

資治通鑑補

資治通鑑補卷第二百六十八

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

後列國紀三

辛三月乙酉朔梁以天雄雷後羅周翰為節度使 清海靜海節

度使兼中書令南平襄王劉隱病亟表請於梁以其弟節度副使

嚴樞知雷後丁亥卒

歷年三十八

嚴襲位

岐王季茂貞聚兵臨蜀東

鄙蜀主王建謂羣臣曰自茂貞為朱溫所困吾常振其乏絕今乃

負恩為寇誰為吾擊之兼中書令王宗侃請行蜀主以宗侃為北

路行營都統司天少監趙溫珪諫曰茂貞未犯邊諸將貪功深入

糧道阻遠恐非國家之利蜀主不聽以兼侍中王宗祐太子少師

王宗賀山南節度使唐道襲為三招討使三路進兵以伐岐各路一招討使王宗侃都

統三招討之兵左金吾大將軍王宗紹為宗祐之副帥步騎十二萬伐岐

壬辰宗侃等發成都旌旗數百里岐王季茂貞募華原賊帥溫

韜以為假子更姓名曰李彥韜以華原為耀州美原為鼎州宋廢

復為美原縣屬耀州宋白曰華原縣本漢被初縣地曹魏以來置

北地郡元魏廢帝三年置通川郡泥陽縣隋開皇六年改泥陽為

華原美原縣本秦漢頻陽縣有秦道土門護軍後周置土門縣置

唐咸亨二年改為美原九域志耀州在長安北一百六十里置

義勝軍以彥韜為節度使帥州岐兵攻梁長安梁遣感化節度

使康懷貞忠武節度使牛存勳以同華河中兵討之己酉懷貞等

奏擊彥韜於車度走之車度地名在長安北同州界

夏四月乙卯朔岐兵攻

蜀興元唐道襲擊卻之梁主是以久疾五月甲申朔大赦改元

乾化

甲辰梁以清海留後劉巖為節度使

考異曰十國紀年甲辰太祖授陟清海節

度使陟復名巖案辭史贊偽傳云前偽漢劉陟胡賓王劉氏興亡錄高祖巖皇考葬段氏得石版有篆文曰隱台巖因名其三子是

先名巖後名陟也吳越備史乾化四年廣帥彭賊巖遣陳用拙來使吳錄天祐十四年南漢王劉巖自立為漢唐烈祖實錄天祐十

四年劉陟為節度使改名巖太祖實錄乾化元年五月以清海節度副使劉陟為節度使二年四月以章叢為潭廣和叶使云廣守淪謝

其司弟巖為軍情所殺七月友珪加劉巖檢校太傅薛史梁末帝紀貞明五年九月削奪廣州節度使劉巖官爵吳越備史載制詞

亦云彭城巖蓋劉節度使後復名巖也惟莊宗實錄同光三年二月廣南劉陟遣何嗣來使莊宗列傳自嗣立至建號皆云劉陟眾

說不同未知孰是今以其首尾名巖故但稱劉巖云巖多延中國士人置於幕府出為刺史

刺史無武人

蜀主王建如利州命太子監國六月癸丑朔至利

州欲親總兵以

燕王劉守光舊衣赭袍

赭袍唐世天子之服顧謂將吏曰

今天下大亂英雄角逐吾兵疆地險亦欲自帝何如孫鶴曰今內

難新平

謂新平

公私困竭太原窺吾西契丹伺吾北遠謀自帝未

見其可大王但養士愛民訓兵積穀德政既修四方自服矣守光  
不悅又使人諷鎮定約諸鎮尊己爲尙父趙王王鎔以告晉王晉  
王季存勳怒欲伐之諸將皆曰是爲惡極矣行當族滅不若陽爲  
推尊以稔之乃與鎔及義武王憲直昭義李嗣昭振武周德威天  
德宋瑤六節度使五鎮并河東爲六然自昭義以下皆屬河東共奉冊推守光爲尙書  
令尙父守光不寤以爲六鎮實畏己益驕乃具表其狀於梁主曰  
晉王等推臣臣荷陛下厚恩未之敢受竊思其宜不若陛下授臣  
河北都統則并鎮不足平矣并謂晉鎮謂趙梁主疑亦知其狂愚乃以守  
光爲河北道采訪使遣閭門使王瞳受旨史彥羣冊命之受旨蓋崇政院  
官屬猶樞密院承旨也梁避廟諱改承爲受守光命僚屬草尙父采訪使受冊儀乙卯  
僚屬取唐冊太尉儀獻之守光視之問何得無郊天改元之事對

曰尙父雖貴人臣也安有郊天改元者乎守光怒投之於地曰我  
地方二千里帶甲三十萬直作河北天子誰能禁我尙父何足爲  
哉命趣具卽帝位之儀械繫瞳彥羣及諸道使者於獄旣而皆釋

之考異曰莊宗列傳劉守光傳云宋溫命僞閭門使王瞳供奉官  
史彥章等使燕州守光爲河北道宋訪使六月并使至守光令  
所司定尙父採訪使儀注取二十四日受冊宋溫傳亦云史彥章  
莊宗實錄作史彥璋編遺錄劉史皆作史彥羣今從之又莊宗實  
錄三月己丑鎮州遣押牙劉光業至言劉守光凶淫縱暴欲自尊  
大請移其惡以咎之推爲尙父乙未上至晉陽宮召張承業諸將  
等議討燕之謀諸將亦云宜諒其禍上令押衙馮漢超持璽制及  
六鎮書如幽州其辭曰天祐八年三月二十七日天德軍節度使  
宋瑤張武節度使周德威昭義節度使李嗣昭易定節度使王處  
直鎮川節度使王鎔河東節度使尙書令晉王謹奏冊進盧龍橫  
海等軍節度檢校太師兼中書令燕王爲尙書令尙父五月六鎮  
使至并使亦集六月守光令有司定尙父採訪使儀則梁太祖實  
錄都不言守光事惟編遺錄云三月壬辰差閤門使王瞳受旨史  
彥羣辭國禮賜幽州劉守光甲午守光連上表章率以鎮定旣與  
河東結權兼同差使請官道卻行天祐年號事守光尋捉王瞳史  
彥羣上下一行並囚禁數日後放出案莊宗實錄及南唐烈祖實

錄皆云三月辛亥晉王遣藏漢趙推守光爲尙父辛亥三月二十七日也壬辰乃三月初八日王臨等安得已在幽州甲午乃三月十日守光安得上表云六鎮推臣爲尙父編遺月日多差錯今不取 梁遣楊師厚將兵三萬屯邢

州欲攻趙也

獨諸將擊岐兵屢破之秋七月蜀主王建西還留御營

使昌王宗鑑屯利州 辛丑梁主晃避暑於張宗奭第亂其婦女

殆徧宗奭子繼祚不勝憤恥欲弑之宗奭止之曰吾家頃在河陽

爲李罕之所圍

見二百五十七卷唐僖宗文德元年

陷木屑以度朝夕賴其救我得

有今日此恩不可忘也乃止甲辰梁主還宮或有言其情於梁主

者梁主急召宗奭其意不測宗奭妻儲氏明收有口辨遽入見厲

聲曰宗奭種田叟耳守河南三十年開荒斷土拮拾財賦助陛下

創業今年齒衰朽已無能爲而陛下疑之何也梁主曰我無惡心

嫗勿多言

趙王王鎔以楊師厚在邢州甚懼

九域志邢州北至趙州一百四十四

里其兵臨其會晉王季存勛於承天軍晉王謂鎔父友也事之甚

恭鎔以梁寇爲憂晉王曰朱溫之惡極矣天將誅之雖有師厚輩

不能救也脫有侵軼僕自帥眾當之叔父勿以爲憂鎔捧卮爲壽

謂晉王爲四十六舅

晉王弟四十六

鎔幼子昭誨從行晉王斲衿爲盟許

娶以女由是晉趙之交遂固八月庚申蜀主王建至成都燕

王劉守光將稱帝將佐多竊議以爲不可守光乃置斧質於庭曰

敢諫者斬孫鶴曰滄州之破鶴分當死蒙王生全

事見上卷開平四年

以至

今日今日敢愛死而忘恩乎竊以爲今日之帝未可也守光怒伏

諸質上令軍士召而敝之鶴呼曰不出百日大兵當至守光命以

土窒其口寸斬之甲子守光卽皇帝位國號大燕改元應天以梁

使王瞳爲左相盧龍判官齊涉爲右相史彥羣爲御史大夫受冊



之日契丹陷平州燕人驚擾

宋白曰平州舜十二州為薊州之境周官職方在幽州之地春秋為山戎

孤竹白狄肥子二國地俱屬肥如石

威之地唐武德初置平州於盧龍

岐王季茂貞使劉知俊李

繼崇將兵擊蜀乙亥蜀將王宗侃王宗賀唐道襲王宗紹與之戰

於青泥嶺

青泥嶺在興州長舉縣西北五十里縣崖為初上多雲雨行者多逢泥淖

蜀兵大敗馬步使

王宗浩奔興州溺死於江

此江嘉陵江也

道襲奔興元先是步軍都指揮

使王宗綰城西縣號安遠軍

九域志西縣在興元府西一百里

宗侃宗賀等收散

兵走保之知俊繼崇追圍之眾議欲棄興元道襲曰無興元則無

安遠利州遂為敵境矣

九域志興元西至西縣百里西縣抵利州界四十五里自界首至利州二百六十四里

吾必以死守之蜀主王建以昌王宗鑑為應援招討使定戎國

練使王宗播為四招討馬步都指揮使

蜀主先已遣三招討使伐岐今又以王宗鑑為應援

招討使是為四招討

將兵救安遠軍壘於旅讓之間

旅讓水出大巴山北谷中諱水其源起於旅讓水既

田之餘東南流至古縣水城之側二水在甯鄉縣東南杜佑曰縣州曰明縣有廉水宋白曰輿通典縣有清廉鄉護水鄉與唐道襲合擊岐兵大破之於明珠曲明日又戰於梟口斬其成州刺

史李彥琛九月梁主昱疾稍愈聞晉趙謀南伐自將拒之戊戌

以張宗奭爲西都留守庚子梁主發洛陽甲辰至衛州方食軍前

奏晉軍已出井陘梁主遽命擊北趣邢洛晝夜倍道兼行丙午至

相州九域志衛州北至相州一百二十五里自相州又北則趣邢洛聞晉兵不出乃止相州刺史

李思安不意梁主猝至落然無具坐削官爵湖州刺史錢鏐酣

酒殺人恐吳越王錢鏐罪之冬十月辛亥朔殺都監潘長推官鍾

安德奔於吳晉王季存勛聞劉守光稱帝大笑曰俟彼上年吾

當問其鼎矣張承業請遣使致賀以驕之晉王遣太原少尹李承

勳往承勳至幽州用鄰藩通使之禮燕之與客者曰晉王帝矣公

當稱臣庭見承勳曰吾受命於唐朝爲太原少尹燕王自可臣其境內豈可臣他國之使乎守光怒囚之數日出而問之曰臣我乎

承勳曰燕王能臣我王則我請爲臣不然有死而已守光竟不能

屈 蜀主王建如利州

蜀王宗侃爲岐所敗故復如利州以爲繼援

命太子監國決雲

軍虞候王琮敗岐兵執其將李彥太倖斬三千五百級乙卯捉生

將彭君集破岐二寨倖斬三千級王宗侃遣裨將林思謬自中巴

開行至泥溪

巴州在三巴之中謂之中巴興元之南有大行路逕瓜雲兩角過米倉山則至巴州案後唐伐蜀還據王

繼炭與李紹琛軍行次舍泥溪當在鄒州北利州界

見蜀主告急蜀主命開道都指揮使王

宗弼將兵救安遠及劉知俊戰於斜谷破之 甲寅夜梁主見發

相州乙卯至洹水是夜邊吏言晉趙兵南下梁主卽時進軍丙辰

至魏縣

洹水在魏州之西成安縣界九域志魏州成安縣有洹水鎮成安縣在州西三十五里魏縣在魏州西三十五里

或告云沙陀至矣士卒惴懼多逃亡嚴刑不能禁既而復告云無

寇上下始定戊午梁貝州奏晉兵寇東武尋引去梁主以夾寨柏

鄉屢失利夾寨之敗見二百六十六卷開平二年柏鄉之敗見上卷本年故力疾北巡思一雪其

恥意鬱鬱多躁忿功臣宿將往往以小過被誅眾心益懼晉史本紀帝至

相州左龍驤都教練使鄧季筠魏州馬軍都指揮使何令弼右廂

馬軍都指揮使陳令勳以部下馬瘦並腰斬於軍門次魏縣先鋒

指揮使黃旆而晉趙兵竟不出十一月壬午梁主南還劉守光

集將吏謀攻易定幽州參軍景城馮道以爲未可景城縣屬瀛州漢舊縣名守

光怒繫獄或救之得免道亡奔晉張承業薦於晉王以爲掌書記

丁亥王處直告難於晉梁懷州刺史開封段明遠妹爲美人戊

子梁主晃至獲嘉九域志懷嘉縣在懷州東北一百五十里明遠饋獻豐備梁主悅

庚寅梁保塞節度使高萬興奏遣都指揮使高萬金將兵攻鹽州

刺史高行存降

考異曰實錄開平三年六月丁未襄武韓遜奏收復鹽州擒偽刺史李繼直已下六十二人至此年

降高行存下云鹽州與吐蕃党項犬牙相接為二境咽喉之地又

烏池鹽醴之利戎羌意未嘗息唐建中初為吐蕃所陷阻其地而

去由是銀夏甯延泊處靈武歲以河南山東淮南青徐江浙等道

兵士不啻四萬分護其地謂之防秋貞元九年朝政稍暇乃命副

元帥渾瑊總兵三萬復取其地建百雉焉自是虜塵乃息邊患遂

止唐代革命又復失之今機動偏師遠收襟要國之右臂瘡痍其

息哉李茂貞養子多連繼子開平三年所收似屬鳳翔今又

收復云唐革命失之前後必一誤或者開平既得又失之也 王

辰梁主晃至洛陽疾復作 蜀王宗弼敗岐兵於金牛拔十六寨

俘斬六千餘級擒其將郭存等丙申王宗鑑王宗播敗岐兵於黃

牛川擒其將蘇厚等丁酉蜀主王建自利州如興元拔軍既集安

遠軍望其旗旗謂蜀主之旗也王宗侃等鼓譟而出與援軍夾攻岐兵大

破之拔二十一寨斬其將李廷志等己亥岐兵解圍遁去唐道襲

先伏兵於斜谷邀擊又破之庚子蜀主西還岐王季茂貞左右石

簡顯讓劉知俊於岐王王奪其兵李繼崇言於王曰知俊壯士窮

來歸我不宜以讒廢之王爲之誅簡順以安之繼崇召知俊舉族

居於秦州

李繼崇時鎮秦州繼崇尋不能守秦州劉知俊由此亦降於蜀

戊申劉守光將兵二

萬攻易定之容城

容城漢縣名唐屬易州宋屬雄州

王處直告急於晉

十二月

乙卯梁以朗州留後馬寶爲永順節度使同平章事鎮南留後

盧廷昌遊獵無度百勝軍指揮使黎球殺之自立將殺譚全播全

播稱疾請老乃免丙辰梁以球爲虔州防禦使未幾球卒牙將李

彥圖代知州事全播愈稱疾篤劉巖聞全播病發兵攻韶州破之

刺史廖爽奔楚

唐天復二年梁人取韶州至是復爲劉氏

楚王馬殷表於梁主以爲永

州刺史

丁巳蜀主王建至成都

自興元還至成都

戊午梁以靜海留

後曲美爲節度使

癸亥梁以靜江行軍司馬姚彥章爲甯遠節

後梁乾化元年二年

度副使權知容州從楚王馬殷之請也劉晟遣兵攻容州殷遣都

指揮使許德勳以桂州兵救之彥章不能守乃遷容州士民及其

府藏奔長沙嚴遂取容管及高州開平四年楚取容管及高州至是棄之甲子晉

王季存勛遣蕃漢馬步總管周德威將兵三萬攻燕以救易定

是歲蜀主王建以內樞密使潘炕為武泰節度使唐置武泰軍於黔州炕從

弟宣徽南院使峭為內樞密使

王晉岐吳稱唐天祐九年梁乾春正月晉周德威東出飛狐自代

申化二年是歲凡五國五節飛狐宋白曰飛狐縣漢代郡地曹魏封樂進於廣昌侯國後州出

周於五龍城置廣昌縣隋改飛狐縣因縣北飛狐口為名與趙

將王德明義武將程嚴會於易水丙戌三鎮兵進攻燕祁溝關下

之三鎮并鎮定祁溝關在涿州南易州拒馬河之北自戊子圍涿

州宋白曰涿州古涿鹿地漢高帝遣陳郡魏改范陽郡取漢涿縣

在范水之陽為名唐大歷四年立涿州南至莫州一百六十里

東北至幽州

一百二十里 刺史劉知溫城守劉守奇之客劉去非大呼於城下

謂知溫曰河東小劉郎來爲父討賊何豫汝事而堅守耶守奇免

冒勞之

劉守奇奔晉見二百六十六卷開平元年

知溫拜於城上遂降周德威疾守奇

之功譖諸晉王王召之守奇恐獲罪與去非及進士趙鳳奔梁梁

主晃以守奇爲博州刺史去非鳳皆幽州人也先是劉守光籍境

內丁壯悉文面爲兵雖士人不免鳳詐爲僧奔晉故守奇客之丁

酉德威至幽州城下守光求救於梁二月梁主疾小愈議自將擊

鎮定以救之 初田令孜之爲監軍也盜唐傳國璽入於蜀而埋

之至是蜀尙食使歐陽柔治令孜故第穿地而得之以獻於蜀主

建 梁主晃聞岐蜀相攻辛酉遣光祿卿盧玘等使於蜀遺蜀主

王建書呼之爲兄 甲子梁主晃發洛陽從官以梁主誅戮無常



多憚行梁主聞之益怒是日至白馬頓賜從官食多未至遣騎趣

之於路左散騎常侍係隲右諫議大夫張衍兵部郎中張儁最後

至梁主命撲殺之考異曰梁通寶錄云賜自盡今從莊宗實錄衍宗奭之姪也丙寅梁

主至武陟九域志武陟縣在懷州東八十里段明遠供饋有加於前丁卯至獲嘉

梁主追思李思安去歲供饋有關貶柳州司戶告辭稱明遠之能

曰觀明遠之忠勤如此見思安之悖慢何如尋長流思安於崖州

賜死時遠貶者悉賜死明遠後更名凝乙亥梁主至魏州命都招討使宣

義節度使楊師厚副使前河陽節度使李周琳圍棗彊招討應接

使平盧節度使賀德倫副使天平畱後袁象先圍脩縣九域志棗州東南十五里脩縣在黃州東北一百五十里宋白德倫河西胡

人象先下邑人也戊寅梁主至貝州辰州蠻酋宋鄴昌師益皆

曰脩縣即廣德縣後魏開皇五年改脩縣為脩縣

帥眾降於楚楚王駕殷以郟爲辰州刺史師益爲潞州刺史 梁

主晁晝夜兼行三月辛巳至下博南登觀津冢

漢觀津縣古城東南有青山即漢文帝立后遣使者與以葬父起大墳於觀津城東南縣民謂之黃氏

山青趙將村習引數百騎巡邏不知是梁主遽前逼之或告曰晉兵

大至矣梁主棄行帳亟引兵趣棗強與楊師厚軍合

自下博至棗強六十餘里

習趙州人也棗強城小而堅趙人聚精兵數千守之師厚急攻之

數日不下城壞復修死傷者以萬數城中矢石將竭謀出降有一

卒奮曰賊自柏鄉喪敗已來視我鎮人裂眚今往歸之如自投虎

狼之口耳困窮如此何用身爲我請獨往試之夜縋城出詣梁軍

詐降李周彝召問城中之備對曰非半月未易下也因請曰某既

歸命願得一劍效死先登取守城將首周彝不許使何擔從軍卒

得開舉擔擊周彝首踣地左右救至得免卒睨周彝曰吾正欲刺  
刃於朱溫之腹非圖爾也誤矣梁主聞之愈怒命師厚晝夜急攻  
丙戌拔之無問老幼皆殺之流血盈城初梁主引兵度河聲言五  
十萬晉忻州刺史李存審屯趙州患兵少裨將趙行實請入土門  
避之存審不可入土門則退歸晉陽矣及賀德倫攻褚縣存審謂史建瑭李  
嗣肱曰吾王方有事幽薊無兵此來南方之事委吾輩數人今褚  
縣方急吾輩安得坐而視之使賊得褚縣必西侵深冀患益深矣  
當與公等以奇計破之存審乃引兵掘下博橋肅水逕下博縣蓋跨漳水爲橋也  
使建瑭嗣肱分道擒生建瑭分其麾下爲五隊隊各百人一之衝  
水一之南宮一之信都信都漢古縣唐帶冀州蓋其治所雖在郭下而所管地界則環冀州近郊皆是也  
一之阜城自將一隊深入與嗣肱遇梁軍之樵芻者皆執之獲數

百人明日會於下博橋皆殺之畱數人斷臂縱去曰爲我語朱公  
晉王大軍至矣時禧縣未下梁主引楊師厚兵五萬就賀德倫共  
攻之丁亥始至縣西未及置營建瑋嗣肱各將三百騎效梁軍旗  
幟服色與樵芻者雜行日且暮至德倫營門殺門者縱火大譟弓  
矢亂發左右馳突旣暝各斬馘執俘而去營中大擾不知所爲斷  
臂者復來曰晉軍大至矣梁主大駭燒營夜遁迷失道委曲行百  
五十里戊子旦乃至冀州禧之耕者皆荷鋤奮梃逐之委棄軍資  
器械不可勝計旣而復遣騎覘之曰晉軍實未來此乃史先鋒遊  
騎耳梁主不勝慙憤由是病增劇不能乘肩輿畱貝州旬餘諸軍  
始集 義昌節度使劉繼威年少淫虐類其父劉繼威父守光淫於都指  
揮使張萬進家萬進怒殺之詰旦召大將周知裕告其故萬進自

稱畱後以知裕為左都押牙庚子遣使奉表請降於梁亦遣使降

晉晉王命周德威安撫之知裕心不自安遂奔梁梁主晃為之置

歸化軍以知裕為指揮使凡軍士自河朔來者皆隸之辛丑梁以

萬進為義昌畱後甲辰改義昌為順化軍以萬進為節度使為楊師厚

坊徙張萬進張本乙巳梁主晃發貝州丁未至魏州貝州南至魏州二百一十里

戊申賈周德威遣裨將李存暉等攻燕瓦橋關九域志瓦橋關在涿州南一百二十

里其將吏及莫州刺史李嚴皆降嚴幽州人也涉獵書傳晉王季

存遣使傳其子繼安嚴固辭晉王怒將斬之教練使孟知祥徒跣

入諫曰疆敵未滅大王豈宜以一怒戮勸義之士乎乃免之知祥

遷之弟子孟遷以邢州降晉又背晉以邢州降梁者也孟知祥始此李克讓之塔也李克讓晉王克用之弟

吳鎮南節度使劉威欽州觀察使陶雅宣州觀察使李遇常

州刺史李簡皆武忠王舊將有大功以徐溫自牙將秉政

徐溫自右牙指

揮使秉政見二百六十六卷開平元年

內不能平李遇尤甚常言徐溫何人吾未嘗

識面一旦乃當國邪館驛使徐玠使於吳越道過宣州溫使玠說

遇入見新王遇初許之玠曰公不聞人謂公反遇怒曰君言遇反

殺侍中者非反邪侍中謂威王也

楊瑩謚威王李遇斥言徐溫弑之

溫怒以淮南

節度副使王璵為宣州制置使數遇不入朝之罪遣都指揮使柴

再用帥昇潤池歙兵納璵於宣州昇州副使徐知誥為之副遇不

受代再用攻宣州踰月不克夏四月癸丑梁以楚王駕殷為武

安武昌靜江甯遠節度使洪鄂四而行營都統

欲使攻楊氏之洪鄂也

乙

卯梁博王友文來朝

來朝於魏州行宮

精梁主晃還東都丁巳發魏州己

未至黎陽以疾淹留乙丑至滑州

黎陽至滑州隔大河耳今滑州古城已淪於河

維州

羌胡董琢反蜀主王建遣保繼軍使趙綽討平之 己巳梁主晃

至大梁 梁主晃聞嶺南與楚相攻甲戌以右散騎常侍韋戩等

爲潭廣和叶使往解之 戊寅梁主晃發大梁 遣周德威以兵

少不足下燕請濟師晉王季存勳遣季存審將吐谷渾契苾騎兵

會之李嗣源攻瀛州刺史趙敬降 五月甲申梁主晃至洛陽疾

甚 梁司空門下侍郎同平章事薛貽矩卒 劉守光遣其將軍

廷珪將精兵萬人出戰與周德威遇於龍頭岡

龍頭岡在幽州城東南考異曰莊宗

實錄作羊頭岡今從莊宗列傳莊宗實錄四月己卯朔周德威擒

軍廷珪進軍大城莊宗薛史及莊宗列傳周德威傳云五月七日

擒廷珪十二日 廷珪曰今日必擒周陽五以獻陽五者德威小名

也旣戰見德威於陳援槍單騎逐之槍及德威背德威側身避之

奮槌反擊廷珪墜馬生擒置於軍門燕兵退走德威引騎乘之燕

兵大敗斬首三千級廷珪燕驍將也燕人失之奪氣德威雖爲大將而常與士卒馳騁於矢石之間故能得士之死力當是時周陽五之勇聞天下己丑蜀大赦李遇少子爲淮南牙將遇最愛之徐溫執之至宣州城下示之其子啼號求生遇由是不忍戰溫使典客何夔入城以吳王命說之曰公本志果反請斬夔以徇不然隨薨納款遇乃開門請降溫使柴再用斬之夷其族於是諸將始畏溫莫敢違其命

諸將謂劉威陽雅輩

徐知誥以功遷昇州刺史時諸州

長吏多武夫專以軍旅爲務不恤民事知誥在昇州獨選用廉吏修明政教招延四方士大夫傾家貲無所愛洪州進士宋齊邱好縱橫之術謁知誥知誥奇之辟爲推官與判官王令謀參軍王翽專主謀議以牙吏馬仁裕周宗曹棕爲腹心仁裕彭城人宗連水





友丈夫本姓  
康名勣 梁主特愛之常留守東都兼建昌宮使次郢王友珪

其母亳州營倡也  
薛史友珪小字遙喜母失其姓本亳州營妓也唐光啟中帝徇地亳州召而侍寢月餘將捨之

而去以帳告是時元貞張后賢而有寵帝素憚之山是不果攜歸大梁因留亳州以別宅貯之及期妓以生男來告帝喜故字之曰

遙喜後  
知歸外 爲左右控鶴都指揮使無寵次均王友貞爲東都馬步都

指揮使初元貞張皇后嚴整多智梁主敬憚之后殂  
張后殂於唐昭宗天祐元年

年  
梁主縱意聲色諸子雖在外常徵其婦入侍梁主往往亂之友

文婦王氏色美尤寵之雖未以友文爲太子意常屬之友珪心不

平友珪嘗有過梁主撻之友珪益不自安梁主疾甚命王氏召友

文於東都欲與之訣且付以後事友珪婦張氏亦朝夕侍梁主側

知之密告友珪曰大家以傳國寶付王氏懷往東都吾屬死無日

矣夫婦相泣左右或說之曰事急計生何不改圖時不可失  
古人有言

日注而不父必有子嗣豈不信哉

六月丁丑朔梁主命敬翔出友珪為萊州刺史

卽令之官已宣旨未行敕

敬翔時爲宣政使故使之行敕

時左遷者多追賜死友

珪益恐戊寅友珪易服微行入左龍虎軍見統軍韓勅以情告之

勅亦見功臣宿將多以小過被誅懼不自保遂相與合謀勅以牙

兵五百人從友珪雜控鶴士入伏於禁中

梁以侍衛親軍爲控鶴軍

中夜斬關

入至寢殿侍疾者皆散走梁主驚起問反者爲誰友珪曰非它人

也梁主曰我國疑此賊恨不早殺之汝悖逆如此天地豈容汝乎

友珪曰老賊萬段友珪僕夫馮廷諤刺梁主腹刃出於背腸胃皆

流友珪自以敗禮褻之瘞於寢殿

年十六

秘不發喪遣供奉官丁昭

溥馳詣東都命均王友貞殺友文已卯矯詔稱博王友文謀逆遣

兵突入殿中賴郢王友珪忠孝將兵誅之保全朕躬然疾因震驚

燭致危殆。宣令友珪權主軍國之務。韓勅爲友珪謀。多出府庫金帛賜諸軍及百官。以取悅。卒已。丁昭溥還聞友文已死。乃發喪。宣遣制友珪卽皇帝位。時朝廷新有內難。中外人情。怙怙許州軍士。更相告變。匡國節度使韓建皆不之省。亦不爲備。丙申。馬步都指揮使張厚作亂。殺建。友珪不敢詰。甲辰。以厚爲陳州刺史。是月。蜀有麟兒於文州。秋七月丁未。梁大赦。梁天雄節度使羅周翰。幼弱。軍府事皆決於牙內都指揮使潘晏。北面都招討使宣義節度使楊師厚。軍於魏州。久欲圖之。憚太祖威嚴。不敢發。至是。師厚館於銅臺驛。因蜀崔素以名驛然銅雀臺在鄴不在魏州潘晏入謁。執而殺之。引兵入牙城。據位。視事。壬子。梁友珪以師厚爲天雄節度使。考異曰梁楊師厚傳云太祖初素天下郡府乘閒爲亂甚眾魏之衙內都指揮使潘晏與大將戴延範趙訓將謀反變有密告者師厚布兵捕

捕斬之七月除魏博節度使薛平師厚傳略  
同今從莊宗列傳宋友珪傳及莊宗實錄 徙周翰為宣義節度

使唐穆宗文德元年羅宏信 梁以侍衛諸軍使韓勅領匡國節  
使得魏博傳子至孫而亡

度使 甲寅梁加吳越王錢鏐尚父 甲子梁以均王友貞為開

封尹東都留守 蜀太子王元坦更名元膺宗懿更名元坦見上

蜀主建時得蜀牌于於什仿縣有文二十餘字 丙寅梁廢建昌  
建以為符識因取之以名諸子故又更名元膺

官使以河南尹張宗奭為國計使凡天下金穀蠶絲建昌官者悉

主之 八月梁龍驤軍三千人戍懷州者或懷州所以為晉人自

潰亂東走所過剽掠考異曰莊宗列傳友珪傳云重霸據懷州為

實錄杜晏球傳云龍驤軍作亂欲入京城已至河陽今按梁祖實

錄戊子鄭州奏稱懷州屯駐龍驤騎軍潰散十一日夜至州南十

五里梁村安下及五穀分隊逃 戊子宋友珪遣東京馬步軍都指  
揮使翟彥威左耀武指揮使杜晏球討之庚寅破亂軍執其都

將劉重遇於郢陵甲午斬之

爲友貞以龍驤軍起義誅友珪張本

雲郢王朱友珪

既篡立諸宿將多憤怨雖曲加恩禮終不悅告哀使至河中護國

節度使冀王朱友謙泣曰先帝數十年開創基業前日變起宮掖

聲聞甚惡吾備位藩鎮心竊恥之

朱友謙本陝州牙將朱簡也唐末附朱溫賜名友謙列於諸子

故因此聲友珪弑逆之罪

友珪加友謙侍中中書令以詔書自辨且徵之友謙

謂使者曰所立者爲誰先帝晏駕不以理吾且至洛陽問罪何以

徵爲戊辰友珪以侍衛諸軍使韓勅爲西面行營招討使督諸軍

討之友謙以河中附於晉以求救九月丁未友珪以感化節度使

康懷貞爲河中都招討使更以韓勅副之 朱友珪以兵部尙書

知崇政院事敬瑄太祖腹心恐其不利於己欲解其內職

內職謂知崇政

院事恐失人望庚午以翔爲中書侍郎同平章事壬申以戶部尙書

李振充崇政院使翔多稱疾不預事 梁康懷貞等與忠武節度

使牛存節合兵五萬屯河中城西攻之甚急晉王李存勗遣其將

李存審李嗣肱李嗣恩將兵救之敗梁兵於胡壁嗣恩本駱氏子

也 吳武忠王之疾病也周隱請召劉威事見二百六十五威由

是為帥府所忌帥府謂廣陵帥府或譖之於徐溫溫將討之威幕客黃訥

說威曰公受謗雖深反本無狀若輕舟入覲則嫌疑皆亡矣威從

之陶雅聞李遇敗亦懼與威偕詣廣陵溫待之甚恭如事武忠王

之禮優加官爵雅等悅服由是人皆重溫訥蘇州人也溫與威雅

帥將吏請於李儼承制加嗣吳王隆演太師吳王隆演之嗣吳王

加也楊行密因李儼來使尊之以溫領鎮海節度使同平章事准

南行軍司馬如故溫遣威雅還鎮劉威鎮洪州陶雅鎮歙州 辛巳蜀改劍南

東川曰武德軍 朱友謙復告急於晉冬十月晉王季存勅自將

白澤潞而西

北自太原南出汾晉

遇康懷貞於解縣

宋白曰解縣漢舊縣後魏改為北解縣案此前

解縣在臨晉縣界隋開皇十六年於此置解縣大業二年省九年自絳化故城移戍鄉縣於廢縣理唐武德元年改虞鄉縣為解縣仍於蒲州界別置虞鄉縣九域志解在蒲州東九十五里虞鄉在蒲州東六十里考異曰莊宗同光四年實錄莊宗列傳薛史唐餘錄朱友謙傳皆云與汴軍遇於平陽大破之今從莊宗天祐九年實錄

嶺而還

白徑嶺在河東中安邑縣東

梁兵解圍退保陝州

九域志河中南至陝州二百三十八里

友

謙身自至猗氏謝晉王

九域志猗氏縣在河東中府東北九十五里

從者數十人撤武備

詣晉王帳拜之為舅晉王夜置酒張樂友謙大醉晉王留宿帳中

友謙安寢鼾息自如

朱友謙以此示委心晉王無所猜聞也○解音翰又漢平聲

明旦復置酒

而罷

梁楊師厚既得魏博之眾又兼都招討使宿衛勁兵多在

麾下諸鎮兵皆得調發威勢甚重心輕朱友珪遇事往往專行不



顧友珪忠之發詔召之云有北邊軍機欲與卿面議師厚將行其腹心皆諫曰往必不測師厚曰吾知其為人雖往如吾何乃帥精兵萬餘人度河趨洛陽友珪大懼丁亥至都門城外郭門曰都門留兵於外與十餘人入見友珪喜甘言遜辭以悅之賜與巨萬癸巳遣還

十一月趙將王德明將兵三萬掠武城

武城漢之東武城縣唐屬貝州九域志在州東

五十里

至於臨清攻宗城下之癸丑梁揚師厚伏兵唐店邀擊大破

之斬首五千餘級

甲寅梁葬神武元聖孝皇帝於宣陵

宣陵在河南伊

闕廟號太祖

吳淮南節度副使陳璋等將水軍襲楚岳州執刺

史苑玫

開平元年楚取岳州三年苑玫降楚

楚王璠殷遣水軍都指揮使楊定真救

岳州不及璋等進攻荆南高季昌遣其將倪可福拒之吳恐楚人

救荆南遣撫州刺史劉信帥江撫袁吉信五州兵屯吉州為璋聲

援屯吉州以張贛勢若將進兵攻潯衡者以李嗣楚兵

十二月戊寅蜀行營都指揮使王

宗汾攻岐文州拔之守將李繼襲走

文州古陰平之地

蜀有黃龍見富

義江是歲梁州都將劉訓殺刺史以州降晉晉王季存勛以

爲瀛州刺史訓永和人

永和縣屬瀛州漢孤縣地隋爲永和縣九域志在州西一百里○通音指

虔州防禦使李彥幽卒州人奉譚全播知州事遣使附梁朱友

珪以全播爲百勝防禦使虔韶二州節度開通使

虔州先有百勝指揮今因以爲

軍州之號開通使者言使之開通道路南達交廣也

高季昌出兵聲言助梁伐晉進攻襄

州梁山南東道節度使孔勣擊敗之自是入梁之路遂絕不復朝

貢勅竟州人也蜀劍州生連理木

晉殷弘稱唐天祐十年梁王璠西乾化三年是歲比五國五錄

春正月丁巳晉周德威拔燕順

州唐貞觀四年牛突厥以其部落置順祐化長四州六年以順州倚治營州南之五柳皮沈括曰幽州東北三十里有望京館東

行少北十里於出古長城又二十里至中頓又踰孫侯河行二十里至順州其北平斥土厚宜稼又東北行七十里至檀州金人獵城圖順州至燕京一百十五里匈奴須知順州南至燕京九十里其載道里遠近不同今並存之宋白曰幽州東北至順州八十里大元順州領懷柔密雲二縣屬大同府路

丘大赦改元鳳歷 吳陳璋攻荆南不克而還荆南兵與楚兵會

於江口以邀之

江口荆江口也

璋知之以舟二百艘駢為一列夜過二鎮

兵遽出追之不能及 晉周德威拔燕安遠軍薊州將成行言等

降於晉

宋白曰薊州治漁陽本春秋無終子之國隋開皇初徙元州於此煬帝時州立漁陽郡唐初廢郡其地屬幽州開元

十八年置薊州取古薊門關以 蜀有麟兒永泰 二月壬午蜀

大赦 梁郢王王友珪既得志遽為荒淫內外憤怒友珪雖陷以

金繒終莫之附駙馬都尉趙巖之子

趙巖守陳州拒黃巢有功見唐僖宗紀

太祖

之婿也

唐尚太祖女長樂公主

奉使至大梁均王友貞密與之謀誅友珪巖

兵攻行珪行珪使其弟行周質於晉軍以求救李嗣源引兵救之

行欽解圍去嗣源與行周追至廣邊軍魏州懷戎縣北有廣邊軍故白雲城也宋白曰廣邊

軍在魏州北一百三十里高行周兄弟本貫廣邊軍鵬舉村凡八戰行欽力屈而降嗣源愛其

驍勇養以為子考吳曰莊宗實錄行周作行溫張昭周太和實錄云燕城危蹙甲士亡散劉守光召元行欽行欽即

下諸將以守光必敗遣召無益乃請行欽為燕帥稱爾後行欽無如之何乃謂諸將曰我為帥亦須歸幽州眾然之行欽以行珪在

武州慮為後患乃令人於懷戎掠得其子繫之自送至武州行欽謂行珪曰將士立我為爾後共收父子同行先定軍府然後降太

原若不從必殺汝子行珪曰大王委爾親兵遂圖叛逆吾死不能從也其子泣告行珪行珪謂曰元公謀逆何以順從與爾訣矣行

珪城守月餘城中食盡士有飢色行珪乃召集居人謂之曰非不為父老惜家屬不幸軍士乏食可斬予首出降即坐見爾帖行珪

為治有恩眾泣曰願出和糧濟軍以死共守乃夜縋其弟行周於晉軍乞兵救援周德威命李嗣本李嗣源安全救武州比至行

欽解圍矣嗣源與行珪追躡至廣邊軍行欽帥騎拒戰行珪呼謂行欽曰與公俱事劉家我為劉家守城爾則僭稱爾後誰之過也

今日之事何勞士眾與君抗衡以決勝負行欽驍猛騎射絕眾報曰可行周馬足微蹶將臨嗣源羅馬救之搥擊行欽致墜行欽正

身引弓射嗣源中將貫鞍嗣源拔矢凡八戰皆捷七發矢中行欽  
猶沫血酣戰不解是夜行欽窮賊固守廣陽軍晉兵臨之嗣源遣  
人告之曰彼此戰將不假言論事勢可量亟來相見必保功名翌  
日行欽而縛出降嗣源酌酒飲之撫其背曰吾子壯士也養爲假  
子臨敵擒生必有所獲名聞軍中莊宗實錄薛史紀及元行欽傳  
明宗實錄皆云行欽歷行陞陞晉歸兵攻之惟周太祖實錄高行  
周傳云行欽稱開後行陞守不從然恐行周卒時王燕亡已久  
行周名位尊顯門生故吏虛美其兄弟故與諸說特異今從眾書  
嗣源進攻儒州拔之唐末於鄆州東置儒州領晉山一縣以行珪爲代州刺史行周  
留事嗣源常與嗣源假子從珂分將牙兵以從從珂母魏氏鎮州  
人先適王氏生從珂嗣源從晉王李克用戰河北得魏氏以爲妾  
時從珂已十餘歲嗣源養以爲子及長狀貌雄偉謹信寡言而勇  
健善戰嗣源愛之李從珂始此考異曰張昭國初修唐廢帝實錄云廢帝謂從珂明宗皇帝之元子也母曰宣惠  
皇后魏氏鎮州平山人中和末明宗徇地山東平山得魏氏  
帝以光啟元年正月二十三日生於外舍隱趙人負盟用兵不息  
音問阻絕帝南十歲方得歸宗時明宗爲裨將性閑達不能治生  
曹后亦疏於肅略生計所養惟宣惠而已曹后未有胎允幹家宜

率帝與部曲王遷立皇甫立代北往來俱饋曹后饋之不異所生  
薛史末帝諱從珂本姓王氏懷州人也母宣憲皇后魏氏以光啟  
元年生帝於平山景福中明宗爲武皇驍將略地至平山遇族氏  
處之帝時年十餘歲明宗養爲己子割想取廢帝錄以爲明宗卽  
位後不立從珂而欲立從榮從榮死傳位于從厚故人皆謂從珂  
爲養子案張昭仕明宗爲史官異代修廢帝錄無所諱避而不言  
養子事似可信然李克用光啟以前未嘗徇地山東又時何若果  
是明宗子明宗必不捨之而立從榮從珂亦當不服今從薛史

從珂每戰奮不顧身晉王存勗呼其小字曰阿三不徒與我同年

敢戰亦類我 吳行營招討使李濤帥眾二萬出千秋嶺攻吳越

衣錦軍自杭州東南度千秋嶺則至杭州臨安縣吳越王錢鏐以其子湖州刺史傳瓊

爲北面應援都指揮使以救之睦州刺史傅璠爲招討收復都指

揮使將水軍攻吳東洲以分其兵勢東洲卽常州東洲也夏四月癸未璠

以袁象先領鎮南節度使鎮南軍洪州時屬吳光祚所謂名號節度使也五代及十國皆有之同平

章事 晉周德威進軍逼幽州南門王辰劉守光遣使致誓於德

威以請和語甚卑而哀德威曰大燕皇帝尚未郊天何難伏如是

耶漢趙溫曰大丈夫當雄飛安能雌伏予受命討有罪者結盟繼好非所聞也不答

書守光懼復遣人祈哀德威乃以聞於晉王千秋嶺道險狹錢

傳瓘使人伐木以斷吳軍之後而擊之吳軍大敗虜李濤及士卒

三千餘人以歸己亥晉劉光濬拔燕平州執刺史張在吉五月

光濬攻營州刺史楊靖降宋白曰平州東北至營州六百九十里乙巳蜀主王建

以兵部尚書王錯為中書侍郎同平章事梁陽師厚與劉守奇

將汴滑徐兗魏博邢洛之兵十萬大掠棹境楊師厚以燕晉交兵乘虛掠趙師厚

自柏鄉入攻土門趙州守奇自貝州入趣冀州九域志柏鄉北至趙州七十餘

里貝州北至冀州一百二十餘里所過焚掠庚戌師厚至鎮州九域志趙州北至鎮州九十五里

營於南門外燔其關城壬子師厚自九門退軍下博守奇引兵與

師厚會攻下博拔之晉將李存審史建瑭成趙州兵少趙王王鎔

告急於周德威德威遣騎將李紹衡會趙將王德明同拒梁軍師

厚守奇自弓高度御河而東隋煬帝大業四年穿永濟渠引沁水南達於河北通涿郡後人因謂之御河

逼滄州張萬進懼請遷於河朔師厚表徙萬進鎮青州以守奇

爲順化節度使去年改滄州義昌軍爲順化軍吳遣宣州副指揮使花虔將兵

會廣德鎮退使渦信屯廣德渦姓也將復改衣錦軍吳越錢傳瓘就

攻之是月蜀有騶虞見壁山有二鹿隨之六月壬申朔晉王

季存勳遣張承業詣幽州與周德威議軍事丙子蜀主王建以

道士杜光庭爲金紫光祿大夫左諫議大夫封蔡國公進號廣成

先生光庭博學善屬文蜀主重之頗與議政事吳越錢傳瓘拔

廣德虜花虔渦信以歸戊子梁以張萬進爲平盧節度使辛



卯劉守光遣使詣張承業請以城降承業以其無信不許 蜀太

子王元膺殺喙鵲齒

鵲也。鵲音袍。

目視不正而警敏知書善騎

射性狷急猜忍蜀主建命杜光庭選純靜有德者使侍東宮光庭

薦儒者許寂徐簡夫太子未嘗與之交言日與樂工羣小嬉戲無

度僚屬莫敢諫秋七月蜀主將以七夕出遊丙午太子召諸王太

臣宴飲集王宗翰內樞密使潘峭翰林學士承旨高陽毛文錫不

至太子怒曰集王不來必峭與文錫離間也大昌軍使徐瑤常諫

素爲太子所親信酒行屢目少保唐道襲道襲懼而起丁未旦太

子入白蜀主曰潘峭毛文錫離間兄弟蜀主怒命貶遂峭文錫以

前武泰節度使兼侍中潘炕爲內樞密使

炕音亢。

太子出道襲入蜀

主以其事告之道襲曰太子謀作亂欲召諸將諸王以兵錮之然

後舉事耳蜀主疑焉遂不出避道襲請召屯營兵入宿衛許之內  
外戒嚴太子初不爲備聞道襲召兵乃以天武甲士自衛捕潘峭  
毛文錫至梟之幾死囚諸東宮又捕成都尹潘崎囚諸得賢門戊  
申徐瑤常謙與懷勝軍使嚴璘等各帥所部兵奉太子攻道襲至  
清風樓道襲引屯營兵出拒戰道襲中流矢遂至城西斬之考異  
國志建興七年七月出遊先一日云勝召諸軍使及諸王宴飲邸第中  
且議七夕從行之禮而集王宗餘等不至又曰詰朝元府人白建  
日潘峭毛文錫離開吾兄弟將圖不使又曰及聞道襲徵兵乃  
伶官安悉香諡軍使喻全殊率天武甲士以自衛又曰勇口徐瑤  
常謙與懷勝軍使嚴璘等協謀以所部兵挾元府以逐道襲元府  
介馬率卒過其兄宗賀之門召與同進宗賀曰兵起無名不敢聞  
命又曰建興七年七月宗賀及諸軍使令以兵討寇乃逐道襲至城  
西斬之盡殺屯營兵又自大安門登陴以入攻道襲等歐陽史曰  
元府與伶官安悉香軍將喻全殊率天武兵自衛召大將軍徐瑤  
謙率兵出拒襲與襲戰神武門墜中流矢墜馬死十國紀年丁未  
元府令軍使喻全殊帥天武兵自衛戊申徐瑤常謙及左大昌軍  
使王承燧等各帥所部兵奉元府攻唐道襲道襲自殺被甲乘

馬湯王宗賀門邀之宗賀曰兵起無名且不奉詔公宜緩行元膺  
建天武將唐驍帥魏兵逐道襲至城西斬之據九國志云徐瑤等  
挾元膺以迷唐道襲似襲在宮中欲逐之也歐陽史云元膺召徐  
等帥兵出拒襲攻東宮而元膺拒之紀年云瑤等奉元膺攻唐道  
襲道襲自私第被甲乘馬似道襲出在外第元膺就攻之也案道  
襲止以挾君自重似勸蜀主發兵自衛豈目更在外第必止於禁  
中也蓋瑤等引兵攻宮禁以求道襲道襲以屯營兵出拒戰兵敗  
走至城西爲唐唐所殺耳九國志又云元膺介馬帥卒遇其兄宗  
賀之門召與同進是元膺邀宗賀也紀年云道襲自私第被甲乘  
馬過宗賀門邀之是道襲邀宗賀也案道襲私第安得有兵觀宗  
賀所答之辭似語太子非語道襲也若語道襲宜勸之速入宿衛  
豈得云公宜緩行也潘抗言太子非有它志陛下宜面諭大臣以  
安社稷蓋當時蜀主聞亂既信道襲之言又不忍討太子無決然  
號令故抗言太子無它志當召大臣討徐瑤等爲亂者九國志云  
令宗侃等出兵討寇乃迷唐襲至城西斬之是官軍  
斬襲也若然何故明日亟加襲贈諡乎此必誤也 殺屯營兵甚

衆中外驚擾潘抗言於蜀主曰太子與唐道襲爭權耳無它志也  
陛下宜面諭大臣以安社稷蜀主乃召兼中書令王宗侃王宗賀  
前利州團練使王宗魯等使發兵討爲亂者徐瑤常謙等宗侃等

陳於西球場門兼侍中王宗黯自大安門梯城而入與瑤謙戰於

會同殿前殺數十人餘眾皆潰瑤死謙與太子奔龍躍池

龍躍池即摩訶池

也匿於艦中己酉旦太子出就舟人伺食舟人以告蜀主亟遣集

王宗翰往慰撫之比至太子已爲衛士所殺蜀主疑宗翰殺之大

慟不已左右恐事變會張格呈慰諭軍民勝讀至不行斧鉞之誅

將誤社稷之計蜀主收涕曰朕何敢以私害公於是下詔廢太子

元膺爲庶人宗翰奏誅手刃太子者元膺左右坐誅死者數十人

貶竄者甚眾庚戌贈唐道襲太師諡忠壯復以潘峭爲樞密使

甲子晉五院軍使李信拔莫州擒燕將畢元福八月乙亥李信拔

瀛州 梁賜高季昌爵勃海王 晉王季存勛與趙王王鎔會於

天長

卽鎮州之天長鎮也

楚甯遠節度使姚彥章將水軍侵吳鄂州吳以

池州團練使呂師造為水陸行營應援使未至楚兵引去 九月

甲辰梁以御史大夫姚洎為中書侍郎同平章事 劉守光引兵

夜出復取順州 是年春正月晉州 德威拔遷順州 吳越王錢鏐遣其子傳瓘傳

瑋及大同節度使傅瑛攻吳常州營於潘封 今常州無錫縣 有潘封酒庫 徐溫

曰浙人輕而怯帥諸將倍道赴之至無錫黑雲都將陳祐言於溫

曰彼謂吾遠來罷倦未能決戰請以所部乘其無備擊之乃自它

道出敏後溫以大軍當其前來攻之吳越大敗斬獲甚眾 高季

昌造戰艦五百艘治城塹繕器械為攻守之具招聚亡命交通吳

蜀梁漫不能制 冬十月己巳劉守光帥眾五千夜出將入檀

州庚午賈周德威自涿州引兵邀擊大破之守光以百餘騎逃歸

幽州其將卒降者相繼 蜀潘炕屢請立太子蜀主王建以雅王

宗輅類己信王宗傑才敏欲擇一人立之鄭王宗衍最幼其母徐  
賢妃有寵欲立其子使飛龍使唐文展諷張格上表請立宗衍格  
夜以表示功臣王宗侃等詐云受密旨眾皆署名閻主令相者視  
諸子亦希旨言鄭王相最貴蜀主以爲眾人實欲立宗衍不得已  
許之曰宗衍幼懦能堪其任乎甲午立宗衍爲太子

爲宗衍亡蜀張本受

冊畢潘炕以朝廷無事稱疾請老蜀主不許涕泣固請乃許之國  
有大疑常遣使就第問之蜀有白龍見邛州江嶺南節度使

劉巖求昏於楚楚王殷許以女妻之盧龍巡屬皆入於晉劉守

光獨守幽州城求援於契丹契丹以其無信竟不救守光屢請降  
於晉晉人疑其詐終不許至是守光登城謂周德威曰俟晉王至  
吾則開門泥首聽命德威使白晉王十一月甲辰晉王季存勳以

監軍張承業權知軍府事自詣幽州辛酉驍騎抵城下謂守光曰

朱溫篡逆余本欲與公合河朔五鎮之兵興復唐祚

五鎮節鎮定盧龍公

謀之不臧乃效彼狂僭鎮定二帥皆俛首事公

鎮帥王鎔定帥王處直

而公

曾不之恤是以有今日之役丈夫成敗須決所向公將何如守光

曰今日俎上肉耳惟王所裁王憫之與折弓矢為誓曰但出相見

係無它也守光辭以它日先是守光愛將李小喜多贊成守光之

惡言聽計從權傾境內至是守光將出降小喜止之是夕小喜踰

城詣晉軍降且言城中力竭王茂晉王督諸軍四面攻城克之擒

劉仁恭及其妻妾守光帥妻子亡去癸亥晉王入幽州

唐昭宗乾寧二年劉

仁恭據幽州至是父子俱敗亡

梁以甯國節度使王景仁為淮南西北行營招

討應接使

梁攻淮南攻其西北

將兵萬餘侵盧

盧州名

十二月吳鎮海節

度使徐溫平盧節度使朱瑄帥諸將拒之過於趙步

趙步源淮津

寄春紫金山吳徵兵未集溫以四千餘人與景仁戰不勝而卻景仁引

兵乘之將及於隘

險狹之處為隘

吳吏士皆失邑左驍衛大將軍宛邱陳

紹援槍大呼曰誘敵太深可以進矣踰馬還關眾隨之梁兵乃退

溫拊其背曰非子之智勇吾幾困矣賜之金帛紹悉以分麾下吳

兵既集復戰於霍邱梁兵大敗王景仁以數騎殿吳人不敢逼

王景

仁本吳之名將吳人素畏之故不敢逼

梁之渡淮南而表其可涉之津

立表以霍記後

邱守將朱景浮表於木徙置深淵

朱景霍邱土豪也吳用以為將守霍邱浮表於木者徙梁所立

之表其下接之以木立諸深淵以誤之

及梁兵敗還望表而涉溺死者太半吳人聚

梁尸為京觀於霍邱庚午晉王季存勛以周德威為盧龍節度

使兼侍中以李嗣本為振武節度使

先是周德威以破夾寨之功帥振武今以平燕之功徙帥



盧龍以李嗣本代帥振武歸史  
義兒傳嗣本本雁門張氏子劉守光將奔滄州就劉守奇劉守奇籍

兵於梁以取滄州  
事見上卷上年涉寒足腫且迷失道至燕樂之境燕樂縣後魏置治白楊古

城唐長壽二年徙新興城屬檀州宋  
白曰燕樂密雲二縣皆漢虢奚縣地  
晝匿阮谷數日不食令妻祝

氏乞食於田父張師造家師造怪婦人異狀詰知守光處并其三

子擒之癸酉晉王方寔將吏擒守光適至王語之曰主人何避客

之深邪并仁恭置之館舍以器服膳飲賜之王命掌書記王緘草

露布緘不知故事書之於布遣人曳之  
晉王季存勳欲自雲代

歸自幽州取山後路趙王王鎔及王處直請由中山真定趣并

陘王處直王鎔欲晉王取道中山真定各展迎賀之禮王從之庚辰晉王發幽州劉仁恭父

子皆荷校於露布之下  
易曰荷校滅罪注云校者以木絞校者也卽械也守光父母唾其

面而罵之曰逆賊破吾家至此守光俛首而已甲申至定州舍於

關城丙戌晉王與處直謁北嶽廟北嶽廟在恆州之大茂山是日

至行唐行唐漢南行唐縣後魏曰行唐唐屬鎮州九域志在州北五十五里趙王鎔迎謁於路

通志卷一百六十八終

資治通鑑補卷一百六十八終

資治通鑑補卷第二百六十九

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

後列國紀四

晉校吳稱唐天祐十一年梁春正月戊戌朔趙王鎔詣晉王行

帳上壽置酒曰鎔願識劉太師面劉守光既囚其父仁恭請於梁以太師致仕故王鎔因而稱之

晉王命吏脫仁恭及守光械引就席同宴鎔荅其拜又以衣服鞍

馬酒饌贈之己亥晉王與鎔敗於行唐之西鎔送至境上而別

丙子荆主王建命太子判六軍開崇勳府置僚屬後更謂之天策

府 壬子晉王季存勛以練紆劉仁恭父子凱歌入於晉陽補誌新傳

其頸而棄之也。○新 丙辰獻於太廟自臨斬劉守光守光呼曰守  
音車去聲充夜反

光死不恨然教守光不降者李小喜也王召小喜證之小喜瞋目  
叱守光曰汝內亂禽獸行亦我教邪王怒其無禮先斬之守光曰  
守光善騎射王欲成霸業何不畱之使自效其二妻李氏祝氏讓  
之曰皇帝事已如此生亦何益妾請先死即伸頸就戮守光至死  
號泣哀祈不已王命節度副使盧汝弼等械仁恭至代州刺其心  
血以祭先王墓然後斬之或說趙王王鏐曰大王所稱尚書令乃  
梁官也大王既與梁爲讎不當稱其官且自太宗踐阼已來無敢  
當其名者唐太宗自尚書令卽帝位後之臣下率不敢當其名唐之將亡始以授諸帥今晉王爲盟主  
勲高位卑不若以尚書令讓之鏐曰善乃與王處直各遣使推晉  
王爲尚書令晉王三讓然後受之始開府置行臺如太宗故事

高季昌以蜀襲萬忠涪四州舊隸荆南與兵取之先以水軍攻夔

州時蜀鎮江節度使兼侍中嘉王宗壽鎮忠州

蜀置鎮江軍節度領夔忠萬三州

夔州刺史王成先請甲宗壽但以白布袍給之成先帥之逆戰季

昌縱火船焚蜀浮橋招討副使張武舉鐵糧拒之

唐昭宗天祐元年張武以鐵糧

鎮船不得進會風反荆南兵焚溺死者甚眾季昌乘戰艦蒙以牛

革飛石中之折其尾季昌易小舟而遁荆南兵大敗俘斬五千級

成先密遣人奏宗壽不給甲之狀宗壽獲之召成先斬之

梁主

瑱以岐人數為寇二月甲戌徙感化節度使康懷英為永平節度

使鎮長安

感化軍陝州梁初徙佑國軍於長安尋改為永平軍

懷英即懷貞也避梁主名改

焉夏四月丙子蜀主王建徙鎮江軍治夔州丁丑梁司空兼

門下侍郎同平章事于兢坐挾私遷補軍校罷為工部侍郎再貶

萊州司馬 吳袁州刺史劉崇景叛附於楚崇景威之子也劉威與楊

行密同起於合肥 楚將許貞將萬人援之吳都指揮使柴再用米

志誠帥諸將討之 楚岳州刺史許德勳將水軍巡邊楚之岳州東北皆邊

於夜分南風暴起都指揮使王環乘風趣黃州以繩梯登城徑趣

州署執吳刺史馬鄴大掠而還德勳曰鄴州將邀我宜備之自黃州還

岳州舟過鄂州城 環曰我軍入黃州鄂人不知奄過其城奄忽彼

自救不暇安敢邀我乃展旗鳴鼓而行鄂人不敢逼 五月梁朝

方節度使兼中書令潁川王韓遜卒軍中推其子洙為留後癸丑

詔以洙為節度使 吳柴再用等與劉崇景許貞戰於萬勝岡大

破之崇景貞棄袁州遁去 晉王季存勛既克幽州乃謀伐梁秋

七月會趙王王鎔及周德威於趙州南攻邢州李嗣昭引昭義兵

會之梁楊師厚引兵救邢州軍於漳水之東湯師厚自魏州引兵救邢州晉軍

至張公橋晉軍出青山口至張公橋在邢州龍岡縣界按薛史唐末葛從周敗晉軍於沙河追至張公橋沙河縣在邢州南二十五里而邢州治龍岡則可知矣裨將曹進金奔梁晉軍退諸鎮兵皆引歸

兵部趙諸之兵八月晉王還晉陽蜀武泰節度使王宗訓鎮黔州貪

暴不法擅還成都庚辰見蜀主王建多所邀求言辭狂悖對主怒

命衛士毆殺之戊子以內樞密使潘峭為武泰節度使同平章事

翰林學士承旨毛文錫為禮部尚書判樞密院峽上有堰或勸蜀

主乘夏秋江漲決之以灌江陵毛文錫諫曰高季昌不服其民何

罪陛下方以德懷天下忍以鄰國之民為魚鼈食乎蜀主乃止

梁主璵以福王友璋為武甯節度使前節度使王殷友珪所置也

懼不受代叛附於吳九月梁主命淮南西北面招討應接使牛存

中



節及開封尹劉鄩將兵討之冬十月存節等軍於宿州

九域志徐州南至宿州一百四十五里

牛存節不徑攻徐州而南屯宿州據桶橋之要所以絕淮南之援也

吳平盧節度使朱瑾

等將兵救徐州存節等逆擊破之吳兵引歸

十一月乙巳南詔

寇黎州蜀主王建以襲王宗範兼中書令宗播嘉王宗壽為三招

討以擊之丙辰敗之於潘倉嶂斬其酋長趙嵯政等壬戌又敗之

於山口城十二月乙亥破其武侯嶺十三寨

黎州南界有潘倉武侯等十一城路振九

國志王宗壽出軍陳關至潘倉大破蠻眾追奔至山口城則諸寨在耶謀之南山口城又在潘倉之南也

辛巳又敗之

於大渡河

按九域志黎州三面臨大渡河南而至大渡河一百里東南面至大渡河一百二十里西南面至大渡河三百

里俘斬數萬級蠻爭走渡水橋絕溺死者數萬人宗範等將作浮

梁濟大渡河攻之蜀主召之令還

蜀有麟見昌州

癸未蜀興

州刺史兼北路制置指揮使王宗鐸攻岐隋州

九域志興州西南至隋州五百一十

里及固鎮西鎮在青泥嶺東北許史地理志鳳州固鎮之地周顯德六年升為雄勝軍破細砂等十一

寨斬首四千級甲申指搆使王宗儼破岐長城關等四寨斬首二

千級岐靜難節度使李繼徽為其子彥魯所毒而死彥魯自為

留後

乙酉岐吳稱唐天祐十二年梁亥貞明元年是歲凡五國五鎮春正月己亥蜀主王建御得賢門

受蠻俘大赦初黎雅蠻酋劉昌嗣郝元盛楊師泰雖內屬於唐受

爵賞號錮金堡三王錮蠻語多也大也唐書黎邛二州之西有三王蠻蓋非郝其白馬氏之遺種楊劉郝三姓

世為長襲封王謂之三王部落疊巒而居號錮舍至宋又有趙王

二族并劉郝楊謂之五部落居黎州之西去州百餘里限以飛越

嶺其居疊石為錮校糧糧器甲於上族無君長惟老宿而潛通南

詔為之詞導鎮蜀者多文臣雖知其情不敢詰至是蜀主數以漏

洩軍謀斬於成都市毀錮金堡自是南詔不復犯邊二月梁牛

存節等拔彭城王殷舉族自焚

考異曰莊宗列傳朱友貞傳云乾化四年十一月拔徐州殷自縊死

五代通鑑薛史紀及王康傳皆云貞明元年春今從之

三月丁卯梁以右僕射兼門下侍郎同平章事趙光逢為太子太保致仕

梁天雄節度使兼中書

令鄴王楊師厚卒師厚晚年矜功恃眾擅割財賦選軍中號勇置

銀槍效節都數千人給賜優厚欲以復故時牙兵之盛

魏博自田承嗣置牙

兵至羅紹威而除楊帥厚復置之

梁主瑱雖外加尊禮內實忌之及卒私於宮中

受賀租庸使趙嚴

租庸使自唐中世以來有之五代會要梁置判租庸使其班在崇政使之下宜徵使之上

官邵贊

判官租庸判官

言於梁主曰魏博為唐腹心之蠹二百餘年不能

除去者以其地廣兵彊之故也羅紹威楊師厚據之朝廷皆不能

制陛下不乘此時為之計所謂彈疽不嚴必將復聚

言彈疽者必不畏病疽者

之疾盡彈去其膿血然後新肉生而病已不則將復結聚也醫工彈疽用砭石

安知來者不為師厚乎宜

分六州爲兩鎮以弱其權

考異曰莊宗列傳宰相敬翔用庸使趙嚴判官邵贊等爲友貞書策分魏博六

州爲兩鎮唐史無

敬翔名今從之梁主以爲然以平盧節度使賀德倫爲天雄節

度使置昭德軍於相州割澶衛二州隸焉以宣徽使張筠爲昭德

節度使仍分魏州將士府庫之半於相州二人旣赴鎮朝議恐魏

人不服遣開封尹劉鄩將兵六萬自白馬濟河

白馬津在滑州

以討鎮定

爲名實張形勢以脅之魏兵皆父子相承數百年族姻磐結不願

分徙德倫屢趣之應行者皆嗟怨連營聚哭己丑劉鄩屯南樂

南樂

本唐魏州昌樂縣後唐避獻祖諱改曰南樂史因而書之九域志南樂縣在魏州南四十四里

先遣澶州刺史王

彥章將龍驤五百騎入魏州屯金波亭魏兵相與謀曰朝廷忌吾

軍府彊盛欲設策使之殘破耳吾六州歷代藩鎮兵未嘗遠出河

門

按舊唐書魏州城外有河門舊堤樂

彦神築羅城約河門舊堤周八十里一旦骨肉流離生不如死

是夕軍亂縱火大掠圍金波亭王彥章斬關而走詰旦亂兵入牙

城殺賀德倫之親兵五百人劫德倫置樓上有效節軍校張彥者

自帥其黨拔白刃止剽掠夏四月梁主遣供奉官扈異撫諭魏軍

許張彥以刺史彥請復相瀘衛三州如舊制

異還言張彥易與但造劉鄩加兵立當傳首梁主由是不許但

以優詔荅之使者再返彥裂詔書抵於地戟手南向詬朝廷

其手杜預注曰抵  
從屈肘如戟形  
謂德倫曰天子愚暗聽人竄尊今我兵甲雖彊

苟無外援不能獨立宜投款於晉遂逼德倫以書求援於晉

李繼徽假子保衡殺李彥魯自稱靜難畱後舉邠雷二州附梁梁

以保衡爲感化節度使以河陽副後霍彥威爲靜難節度使吳

徐溫以其子牙內都指揮使知訓爲淮南行軍副使內外馬步諸

[illegible]

軍副使

爲除却訓以騎橫不終張本

晉王季存勛得賀德倫書命馬步副總

管李存審自趙州引兵進據臨清五月存審至臨清劉鄩屯洹水

臨清在魏州北洹水在魏州西

賀德倫復遣使告急於晉晉王引大軍自黃澤嶺

東下

魏收志樂平郡遼陽縣有黃澤嶺隋改遼陽爲遼山縣唐僖宗避州

與存審會於臨清僧疑魏

人之詐按兵不進德倫遣判官司空頰犒軍密言於晉王曰除亂

當除根因言張彥凶狡之狀勸晉王先除之則無虞矣王默然頰

貝州人也晉王進屯永濟

永濟縣在魏州北數十里

張彥選銀槍效節五百人

皆執兵自衛詣永濟謁見王登驛樓語之曰汝陵脅主帥殘虐百

姓數日中迎馬訴冤者百餘輩我今舉兵而來以安百姓非貪人

土地汝雖有功於我不得不誅以謝魏人遂斬彥及其黨七人餘

眾股栗王召諭之曰罪止八人餘無所問自今當竭力爲吾爪牙

眾皆拜伏呼萬歲明日王綏帶輕裘而進令張彥之卒授甲執兵

翼馬而從仍以爲帳前銀槍都晉王遂以銀槍效節軍取果而亦以銀槍效節軍取果眾心

由是大服劉鄩聞晉軍至選兵萬餘人自洹水趣魏縣晉王畱李

存審屯臨清遣史建瑭屯魏縣以拒之九域志魏縣在魏州西三十五里王自引

親軍至魏縣與鄩夾河爲營河漳河也漳河過魏縣亦謂之魏河梁主聞魏博叛大

悔懼遣天平節度使牛存節將兵屯楊劉考異曰牛存節傳楊劉作楊留或陽劉今從唐

裴度傳及薛史諸人傳爲鄩聲援會存節病卒以匡國節度使王檀代之

岐王遣彰義節度使劉知俊圍邠州梁靜難節度使霍彥威同守

拒之六月庚寅朔賀德倫帥將吏請晉王季存勛入府城慰勞

既入德倫上印節印天雄軍府印節天雄軍府印請王兼領天雄軍王固辭曰比

聞汴寇侵迫貴道故親董師徒遠來相救又聞城中新罹塗炭故

暫入存撫明公不垂鑒信乃以印節見推誠非素懷德倫再拜曰

今寇敵密邇謂劉鄩之兵軍城新有大變人心未安德倫心腹紀

綱左傳秦伯納三千人以爲張彥所殺殆盡形孤勢弱安能統眾

一旦生事恐負大恩王乃受之德倫帥將吏拜賀王承制以德倫

爲大同節度使遣之官德倫至晉陽張承業留之大同軍北歸極

弘承業不欲使其有城有兵故時銀槍效節都在魏城猶驕橫魏

也晉王下令自今有朋黨流言及暴掠百姓者殺無赦以沁州刺

史李存進爲天雄都巡按使考異曰莊宗賈錄云爲軍城使存進

傳皆云天雄軍都有訛言搖眾及殲取人一錢已上者存進皆梟

首磔尸於市旬日城中肅然無敢誼譁者晉王多出征討天雄軍

府事皆委判官司空頴決之頴恃才挾勢睚眦必報納賄驕侈頴



有從子在河南頴密使人召之都虞候張裕執其使者以白王王

責頴曰自吾得魏博庶事悉以委公公何得見欺如是獨不可先

相示耶揖令歸第是日族誅於軍門以判官王正言代之正言鄆

州人也魏州孔目更孔謙勤敏多計數善治簿書晉王以為支度

務使唐節鎮多兼支度等使至其末世藩鎮謙能曲事權要由是

寵任漸固為孔謙以倍魏州新亂之後府庫空竭民閒疲弊而聚

三鎮之兵戰於河上殆將十年三鎮井供億軍須未嘗有闕謙之

力也然急徵重斂使六州愁苦歸怨於王亦其所為也張彥之以

魏博歸晉也貝州刺史張源德不從北結滄德乾化二年楊師厚

於南連劉鄩以拒晉數斷鎮定糧道或說晉王請先發兵萬人

取源德然後東兼滄景則海隅之地皆為吾有晉王曰不然貝州

城堅兵多未易猝攻德州隸於滄州而無備若得而戍之則滄貝

不得往來

九志咸德州西南至貝州二百三十里東北至滄州亦二百三十里

二壘既孤然後可取

二壘謂滄與貝也

乃遣騎兵五百晝夜兼行襲德州刺史不意晉兵至踰

城走遂克之以遼州守捉將馬通爲刺史秋七月晉人夜襲檀州

陷之

九域志魏州南至檀州一百四十里按九域志之檀州乃漢乾祐元年所徙之滄州也宋白曰檀州本漢頓邱縣地在魏

州南當兩河之驛路唐武德四年分魏州之魏城頓邱兩縣置檀州取古檀淵爲名貞觀元年州廢大歷七年因承前又奏置漢乾

祐元年移魏城縣其頓邱縣隨州移於郭下此時檀州刺史猶治頓邱舊州城今德清軍之頓邱縣即其地也○音然

刺史王彥章在劉鄩營晉人獲其妻子待之甚厚遣閒使誘彥章彥章

斬其使晉人盡滅其家

備考歐史云彥章斬其使者以自絕然晉人畏彥章之在梁也必欲招致之待其妻

子甚厚與此異晉王以魏州將李嚴爲檀州刺史晉王勢重於魏縣因帥

百餘騎循河而上覘劉鄩營會天陰晦鄩伏兵五千於河曲叢林

聞鼓譟而出圍王數重王躍馬大呼帥騎馳突所向披靡裨將夏  
晉奇等操短兵力戰自午至申乃得出亡其七騎魯奇手殺百餘  
人傷夷徧體會李存審救兵至乃得免王顧謂從騎曰幾爲虜嗤  
用漢光武之言皆曰適足使敵人見大王之英武耳魯奇青州人也王以  
是益愛之賜姓名曰李紹奇劉鄩以晉兵盡在魏州晉陽必虛欲  
以奇計襲取之乃潛引兵自黃澤西去晉人怪鄩軍數日不出寂  
無聲迹遣騎覘之城中無烟火但時見旗幟循堞往來晉王曰吾  
聞劉鄩用兵一步百計此必詐也更使覘之乃縛芻爲人執旗乘  
驢在城上耳得城中老弱者詰之云軍去已二日矣晉王曰劉鄩  
長於襲人劉鄩取兗州克潼關皆以掩襲得之故云然短於決戰計彼行纔及山下  
用之西皆發亟發騎兵追之會陰雨積旬黃澤道險壅泥深尺餘士卒  
連山

援藤葛而進皆腹疾足腫或墜崖谷死者什二三晉將李嗣恩倍

道先入晉陽城中知之勒兵為備鄒至樂平糗糧且盡

樂平距晉陽二百五

里又聞晉有備追兵在後眾懼將潰鄒諭之曰今去家千里深入

敵境腹背有吳山谷高深如墜井中去將何之惟力戰庶幾可免

不則以死報君親耳眾泣而止周德威聞鄒西上自幽州引千騎

救晉陽至土門鄒已整眾下山自邢州陳宋口踰漳水而東屯於

宗城

九域志宗威縣在魏州西北一百七十里

鄒軍往還馬死殆半時晉軍乏食鄒知

臨清有蓄積欲據之以絕晉糧道

自宗城東行邪趣臨清數十里宋白曰臨清本漢清縣地後

魏太和二十一年於此置臨清縣

德威急追鄒再宿至南宮

南宮縣在冀州西南六十二里東南趣臨

清亦數

遣騎擒其斥候者數十人斷腕而縱之使言曰周侍中已

據臨清矣

考吳日辭史德威聞鄒東還急趨南宮知鄒軍在宗城遣十餘騎追其營擒斥候者數十人皆剗刃其背繫

後漢乾化五年

而遣之既至謂郭曰周侍中已據宗城矣郭軍大駭按劍刃於背其人豈能復活而言今從莊宗實錄及薛史莊宗紀又郭見在宗城蓋臨清字誤耳郭軍大駭詰朝德威略郭營而過入臨清郭

引軍趨貝州時晉王出師屯博州劉鄩軍堂邑九域志博州在魏州東一百八十里

堂邑在博州西四十里宋白曰堂邑屬博州本漢清縣發千二縣地陪置堂邑因縣西北有漢堂邑故城以名縣周德威

攻之不克翊日鄩軍於莘縣九域志莘縣在魏州東九十里劉鄩見晉軍在博州移兵而西漸近魏州

宋白曰莘本春秋之衛邑漢為陽平縣後周改陽平為清邑縣大業改清邑為莘縣因古地名也晉軍踵之鄩治

莘城塹而守之自莘及河築甬道以通饋餉莘縣東距大河二十餘里渡河而東南即

邢漢之境故築甬道屬河以通饋餉甬道火築垣墉以防晉人之衝夾抄截晉王營於莘西三十里煙

火相望一日數戰晉王愛元行欽曉繼從代州刺史李嗣源求之

嗣源不得已獻之以為散員都部署都部署之名始見於通鑑後遂為行軍總帥之稱薛史曰

時有散指軍名為散員命行欽為都部署賜姓名曰李紹榮紹榮奮力戰深入劒中其

面未解高衍周救之得免王復欲求行周重於發言密使人以官

祿啗之行周辭曰代州饗壯士亦爲大王耳行周事代州亦猶事

大王也代州脫行周兄弟於死

事見上卷  
乾化三年

行周不忍負之乃止

梁絳州刺史尹皓攻晉之隰州八月又攻慈州皆不克

按九域志  
絳州西北

至隰州五百一十四里

隰州  
西南至慈州一百六十里

王檀與宣義留後賀瓌攻澶州拔之

執李嚴送東都梁主瑱以楊師厚故將楊延直爲澶州刺史使將

兵萬人助劉鄩且招誘魏人 晉王季存勛遣李存審將兵五千

擊梁貝州刺史張源德有卒三千每夕分出剽掠州民苦之請塹

其城以安耕耘存審乃發八縣丁夫塹而圍之

貝州管清河清陽  
武城經城臨清

南歷亭夏  
津人縣

劉鄩在華久饋運不給晉人數抵其寨下挑戰鄩不出

晉人乃攻絕其前道以千餘斧斬寨木梁人驚擾而出因俘獲而

還梁主以詔書讓鄒老師費糧失亡多不速戰鄒奏臣比欲以奇兵擣其腹心

謂欲襲取晉陽也

還取鎮定期以旬時再清河朔

十日謂無之旬時無

何天未厭亂淫雨積旬糧竭士病又欲據臨清斷其饋餉而周陽

五奄至馳突如神臣今退保莘縣享士訓兵以俟進取觀其兵數

甚多便習騎射誠為勦敵未易輕也苟有隙可乘臣豈敢偷安養

寇梁主復問鄒急勝之策鄒曰臣今無策惟願人給十斛糧賊可

破矣

劉勰欲以持久制晉

梁主怒責鄒曰將軍蓄米欲破賊邪欲療飢邪乃

遣中使往督戰鄒集諸將問曰主上深居禁中不知軍旅徒與少

年新進輩謀之夫兵在臨機制變不可預度今敵尙彊與戰必不

利奈何諸將皆曰勝負當一決曠日何待鄒默然不悅退謂所親

曰主暗臣諛將騎卒情吾未知死所矣他日復集諸將於軍門人

置河水一器於前令飲之眾莫之測鄒諭之曰一器猶難消酒之  
河可勝盡乎眾失色後數日鄒將萬餘人薄鎮定營鎮定人驚擾  
晉李存審以騎兵二千橫擊之李廷及以銀槍千人助之鄒大敗  
奔還晉人逐之及寨下俘斬千計 劉巖逆婦於楚楚王孟殷遣  
其弟永順節度使存送之 乙未蜀主王建以兼中書令王宗綰  
爲北路行營都制置使兼中書令王宗播爲招討使攻岐秦州以  
兼中書令王宗瑤爲東北面招討使同平章事王宗翰爲前使攻  
岐鳳州 庚戌吳以鎮海節度使徐溫爲管内水陸馬步諸軍都  
指揮使兩浙都招討使守侍中齊國公鎮潤州以昇潤常宣歙池  
六州爲巡屬軍國庶務參決如故溫雷震子知訓居廣陵秉政而  
以季子知諫助之知諫爽悟喜文學徐氏諸子知諫最爲循雅溫



知知訓無醞藉故畱以爲佐諸將深惡知訓之陵已而以知諫爲長者 梁主瑱之爲均王也娶河陽節度使張歸霸女爲妃卽位欲立爲后妃以直未南郊固辭古人相傳以爲郊見止肅然後代天子民九月壬午妃疾甚冊爲德妃是夕卒康王友敬目重瞳子自謂當爲天子遂謀作亂冬十月辛亥夜德妃將出拜友敬使腹心數人匿於寢殿梁主覺之跣足踰垣而出召宿衛兵索殿中得而手刃之壬子捕友敬誅之梁主由是疎忌宗室專任趙嚴及德妃兄弟漢熙漢傑從兄弟漢倫漢融咸居近職參預謀議每出兵必使之監護嚴等依勢弄權賣官鬻獄離間舊將相故翔李振雖爲執政所言多不用振每稱疾不預事以避趙張之族政事日紊以至於亡 梁劉鄩遣卒詐降於晉謀賂膳夫以毒晉王季存勛事泄晉王殺之并其

黨五人 十一月己未夜蜀宮火自得成都以來寶貨貯於百尺

樓悉爲煨燼諸軍都指揮使兼中書令王宗侃等帥衛兵欲入救

火蜀主王建閉門不納庚申旦火猶未熄蜀主出義興門見羣臣

命有司聚太廟神主分巡都城言訖復入宮閉門將相皆獻帷幕

飲食 壬戌蜀大赦 乙丑梁改元貞明 己巳蜀王宗翰引兵

出青泥嶺克固鎮九域志鳳州利州縣有固鎮與秦州將郭守謙戰於泥陽川

九域志成州栗亭縣有泥陽鎮蜀兵敗退保鹿臺山今成州東十里辛未王宗綰等

敗秦州兵於金沙谷擒其將李彥巢等乘勝趣秦州興州刺史王

宗鐸克階州降其刺史李彥安甲戌王宗綰克成州擒其刺史李

彥德蜀軍至上染坊秦州節度使李繼崇遣其子彥秀奉牌印迎

降宗綰入秦州九域志秦州東南至鳳州三百二十里西南至成州二百八十五里成州西南至階州二百五十里

表排陳使王宗儔為留後岐將劉知俊攻梁將霍彥威於邠州半

歲不克是歲五月劉知俊攻邠州聞秦州降蜀知俊妻子皆遷成都知俊解圍

還鳳翔終懼及禍夜帥親兵七十人斬關而出庚辰奔於蜀軍為

知俊蜀王宗綰自河池兩當進兵會王宗瑤攻鳳州癸未克之

蜀途有秦鳳成三州之地宋白曰河池縣漢屬武都華陽國志同

地一名仇池按仇池山在成州界今河池縣屬鳳州去縣稍遠今

縣所處謂之河池水故以名縣兩當漢故道縣水經云兩當水出

陳倉縣之大散嶺西南流入故道川又河池縣有兩當水西北自

成州界入東南流入故道水縣取水為名或曰縣西界有兩山相

當故名九域志河池在鳳州西一百五十五里兩當在鳳州西入

十五 岐義勝節度使同平章事李彥韜知岐王衰弱十二月舉

耀州二州降梁岐置義勝軍以授溫韜見二乙未梁改耀州為崇

州鼎州為裕州義勝軍為靜勝軍復彥韜姓溫氏名昭圖官任如

故丁未蜀大赦改明年元曰通正置武興軍於鳳州割文興二

州隸之以前利州團練使王宗魯爲節度使 是歲清海建武節

度使兼中書令劉巖

時以邕州爲建武軍

以吳越王錢鏐爲國王而已獨爲

南平王

南平王卽王也

表求封南越王及加都統梁主瑱不許廢謂僚屬

曰今中國紛紛孰爲天子安能梯航萬里遠事僞庭乎自是貢使

遂絕 冥濬楊林江水中出火可以燃

兩

晉岐吳稱唐天祐十三年梁貞明二年

春正月梁宣武節度使守

中書令廣德靖王承全翌卒

廣國名德靖諡也

梁主瑱聞前河南府參

軍李愚學行召爲左拾遺充崇政院直學士衡王友諒貴重李振

等見皆拜之愚獨長揖梁主聞而讓之曰衡王於朕兄也朕猶拜

之卿長揖可乎對曰陛下以家人禮見衡王拜之宜也振等陛下

家臣臣於王無素不敢妄有所屈久之竟以抗直罷爲鄧州觀察

判官 蜀王王建以李繼崇爲武泰節度使兼中書令隴西王

二月辛丑夜吳宿衛將馬謙李球劫吳王楊隆演登樓發庫兵討

徐知訓知訓將出走嚴可求曰軍城有變公先乘眾自去眾將何

依知訓乃止眾猶疑懼可求闔戶而寢盱息聞於外府中稍安王

寅謙等陳於天興門外楊行密以揚州牙城南門爲天興門諸道副都統朱瑾自潤

州至視之曰不足畏也返顧外眾舉手大呼亂兵皆潰擒謙球斬

之 梁主瑱屢趣劉鄩戰鄩閉壁不出晉王季存勛乃留副總管

李存審守營守葦西之營也白勞軍於貝州勞圍張源之軍也聲言歸晉陽鄩聞

之奏請襲魏州梁主報曰今掃境內以屬將軍社稷存亡繫茲一

舉將軍勉之鄩令涇州刺史楊延直引兵萬人會於魏州延直夜

半至城南城中選壯士五百潛出擊之延直不爲備潰亂而走詰

旦鄴自莘縣悉眾至城東與延直餘眾合李存審引營中兵踵其

後李嗣源以城中兵出賊晉王亦自貝州至與嗣源黨其前鄴見

之驚曰晉王邪引兵稍卻晉王躡之至故元城西

隋元城縣治古  
縣城唐貞觀十

七年併入貴鄉聖歷二年又分貴鄉莘縣置元城縣治王莽城開  
元十三年移元城治魏州郭下故有故元城古殷墟在魏城東北  
二十里與李存審遇晉王爲方陳於西北存審爲方陳於東南鄴爲

圓陳於其中閒四面受敵合戰良久梁兵大敗鄴引數十騎突圍

走梁步卒凡七萬晉兵環而擊之敗卒登木木爲之折追至河上

殺溺殆盡鄴收散卒自黎陽度河保滑州匡國節度使王權密疏

請發關西兵襲晉陽

去年五月王權代  
牛存節屯河上

梁主從之發河中陝同華

諸鎮兵合三萬出陰地關奄至晉陽城下晝夜急攻城中無備發

諸司丁匠及驅市人乘城拒守城幾陷者數四張承業大懼代北

故將安金全退居太原

安金全從晉王克用起於代北故云故將

往見承業曰晉陽根

本之地若失之則大事去矣僕雖老病憂兼家國請以庫甲見授

爲公擊之承業卽與之金全帥其子弟及退將之家得數百人夜

出北門擊梁兵於羊馬城內梁兵大驚引卻昭義節度使李嗣昭

聞晉陽有寇遣牙將石君立將五百騎救之君立朝發上黨夕至

晉陽

按九域志上黨至晉陽五百餘里

梁兵扼汾河橋

汾橋在晉陽城東南汾水上

君立擊破

之徑至城下大呼曰昭義侍中大軍至矣

李嗣昭鎮昭義官侍中故稱之

遂入城

夜與安金全等分出諸門擊梁兵梁兵死傷什二三詰朝王檀引

兵大掠而還晉王姓矜伐以策非己出故金全等賞皆不行梁兵

之在晉陽城下也大同節度使賀德倫部兵多逃入梁軍張承業

恐其爲變收德倫斬之梁主聞劉鄩敗又聞王檀無功歎曰吾事

去矣 三月乙卯朔晉王季存勳攻梁衛州王戌刺史米昭降之

又攻惠州刺史靳紹走擒斬之復以惠州為磁州

唐天祐三年以磁慈靜相近改

磁州為惠州是時政在朱氏晉王還魏州 梁主瑱屢召劉鄩不至

己巳即以鄩為宣義節度使

為明年鄩入朝左遷張本

使將兵屯黎陽

夏四

月晉人拔梁洛州以魏州都巡檢使袁建豐為洛州刺史 劉鄩

既敗河南大恐鄩復不應召由是將卒皆搖心梁主瑱遣捉生都

指揮使李霸帥所部千人戍楊劉癸卯出宋門

宋門大梁城東面南來第二門梁改

名觀化門而時人不改其舊呼其夕復自水門入大譟縱火掠剽

攻建國門

建國門大梁宮城正南門太祖所起也宋白曰大梁皇城南為建國門

梁主登樓拒戰

謂

建國門 龍驤四軍都指揮使杜晏球

案歐史晏球本洛陽王氏子少遇亂為盜所掠汴州富人

杜氏得之養以為子冒姓杜氏後歸唐賜以五百騎屯毬場賊以

姓名曰李紹虔尋復本姓名曰王晏球

以五百騎屯毬場賊以



油沃菽長木揭之欲焚樓勢甚危晏球於門隙窺之見賊無甲冑乃出騎擊之決力死戰俄而賊潰走梁主見騎兵擊賊呼曰非吾龍驤之士乎誰爲亂首晏球曰亂者惟李霸一都餘軍不動陛下但帥控鶴守宮城遲明臣必破之旣而晏球討亂者闔營皆族之以功除單州刺史

唐末以太祖生於潯陽山改單州爲潯州是時復以潯州爲單州

五月吳越王

錢鏐遣浙西安撫判官皮光業自建汀虔郴潭岳荆南道入貢於

梁

吳越界西南盡衢州按九域志自衢州界西南至建州四百四十五里自建州西至汀州九百三十里自汀州西至虔州五百

五十里自虔州西至郴州六百六十里自郴州東北至潭州四百九十八里自潭州東北至岳州三百八十五里自岳州西北至荆南四百三十里光業曰休之子也 六月晉人攻梁邢州保義節度使閻

寶拒守梁主璉遣捉生都指揮使張溫將兵五百救之溫以其眾

降晉

秋七月甲寅朔晉王季存勛至魏州

梁主璉嘉吳越王

錢鏐貢獻之勤壬戌加鏐諸道兵馬元帥朝議多言鏐之入貢利

於市易不宜過以名器假之翰林學士竇夢徵執麻以泣坐貶建

業尉遷葉本漢黃縣唐神夢徵棣州人也 甲子吳潤州牙將周

郊作亂入府殺大將秦師權等大將陳祐等討斬之 八月丁酉

梁以太子少保致仕趙光逢為司空兼門下侍郎同平章事 丙

午蜀主王建以王宗紹為東北面都招討集王宗翰嘉王宗壽為

第一第二招討將兵十萬出鳳州以王宗播為西北面都招討武

信軍節度使劉知俊天雄節度使王宗儔蜀天雄節度使領秦州匡國軍使

唐文裔為第一第二第三招討將兵十二萬出秦州以伐岐出鳳州之

兵指寶雞以攻鳳翔 晉王李存勖自將攻邢州梁昭德節度使

張筠棄相州走晉人復以相州獻天雄軍去年梁分用以李嗣源

州為昭德軍 李嗣源

為刺史

考異曰劉恕潛本云筠奔東都受左衛上將軍莊宗實錄命李存審入城招撫除昭德軍額仍舊隸魏州從洛州刺史

史袁建豐為相州刺史按上四月筠已遣人納款于晉此復云走者蓋始者文降今為晉兵所迫故走耳筠既降晉今亦猶得將軍者蓋沿通款於晉梁朝不知耳明宗實錄云八月張筠走移帝為相州刺史九月為安國節度使而莊宗實錄云袁建豐為相州刺史按明宗實錄建豐傳云戰胡柳跋建豐為相州乃是天祐十五年十二月蓋明宗初為相州移邢州後方除建豐莊宗錄誤書在張筠晉王遣人告閻寶以相州已拔又遣張溫帥拔兵至城下走下耳

諭之寶舉城降

告之以相州已拔則彼知邢州之勢孤示之以張溫已降則彼知援兵之望絕閻寶於是不能守矣

晉王以寶為東南面招討使領天平節度使同平章事

天平時屬梁晉命閻

寶適

以李存審為安國節度使鎮邢州

邢州梁係義軍既入於晉自此遂改為安國軍考異

曰王博正代會要薛史地理志梁史實字記皆云梁建保義軍唐同光元年改為安國軍而莊宗明宗實錄列傳薛史存審傳皆云此年授安國節度使恐是纔屬晉即改軍額會要等書誤云同光元年

契丹王耶律阿保機帥諸部

兵三十萬號百萬自麟勝攻晉蔚州陷之虜振武節度使李嗣本

契丹攻蔚州自麟勝出說道以掩晉不備也考與曰開元中張武軍在朔州西北三百五十里單于都護府城內隸朔方節度使乾元元年遣張武節度使領鎮北大都護麟勝二州校唐張武節度使亦帶安北都護麟勝等州觀察等使石首以後皆帶朔州刺史據此乃治蔚州遣使以木書求貨於大同防禦使李存璋存璋斬其使契丹進攻雲州存璋悉力拒之雲州都大同軍蜀有黃龍見大昌

池 九月晉王李存勖還晉陽王性仁孝故雖經營河北而數還

晉陽省曹夫人歲再三焉 晉人以兵逼滄州梁順化節度使戴

思遠棄城奔東都

河朔盡歸于晉滄州孤絕戴思遠不能守

滄州將毛璋據城降晉晉

王李存勖命李嗣源將兵鎮撫之嗣源遣璋詣晉陽晉王徙李存

審為橫海節度使鎮滄州

滄德自此屬晉復改順化為橫海從思遠也

以嗣源為安國

節度使嗣源以安重誨為中門使

晉王封內凡節鎮皆有中門使使其任即天朝樞密使也

委

以心腹重誨亦為嗣源盡力重誨應州胡人也

為安重誨為嗣源佐命張本詳史目

安重誨其先本北都曹家父  
福遷爲河東將救堯鄆而沒

晉王季存勛自將兵救雲州行至

代州契丹聞之引去王亦遣以李存璋爲大同節度使晉人圍貝

州踰年張源德聞河北諸州皆爲晉有欲降謀於其眾眾以窮而

後降恐不免死不從其殺源德嬰城固守城中食盡噉人爲糧乃

謂晉將曰出降旣釋甲聞而殺之盡殪

眾三千出降旣釋甲聞而殺之盡殪

考異曰莊宗實錄賊將張源德固守貝州旣聞河北皆平

遂有翻然之志詢謀於眾羣賊皆河南人聽其歸罪不從因殺源德使人爲糧固守其城王師歷年攻圍及既食竭呼我大將曰今欲請罪懼晉王不我殺我請於甲持兵而見已卽解之如何報曰無便於此者其眾三千矜甲出降我將甘言喻之俱釋兵解甲而四面陳兵皆殺之歐陽史死事傳曰晉王入魏河北六鎮數十州之地皆歸晉獨貝一州留之踰年不可下城中食且盡貝人勸源德出降源德不從遂見殺案源德若以不降而死其眾當卽降於晉豈猶拒守與晉約邀而後出哉明是眾懼死不降耳今從莊宗實錄

晉王以毛璋爲貝州刺史於是河北皆入於晉惟黎陽爲梁

守晉王季存勳如魏州吳光州將王言殺刺史臧崖吳王楊

隆演遣楚州團練使李厚討之廬州觀察使張崇不俟命引兵趨

光州言棄城走以李厚權知光州崇慎縣人也庚申蜀新宮成

在舊宮之北梁天平節度使兼中書令琅邪忠毅王王檀多募

羣盜置帳下爲親兵己卯盜乘檀無備突入府殺檀節度副使裴

彥帥府兵討誅之軍府由是獲安冬十月甲申蜀王宗綰等出

大散關大破岐兵俘斬萬計遂取寶雞己丑王宗播等出故關至

隴州故關大丙寅岐保勝節度使兼侍中李繼岌畏岐王李茂貞

猜忌岐置保勝帥其眾二萬棄隴州奔於蜀軍蜀兵進攻隴州以

繼岌爲西北面行營第四招討劉知俊會王宗綰等回鳳翔岐兵

不出會大雪蜀主王建召軍還復李繼岌姓名曰桑宏志宏志黎

陽人也

丁酉梁以禮部侍郎鄭瑒為中書侍郎同平章事瑒繁

之姪孫也

鄭繁見二百五十九卷唐昭宗乾寧元年考異曰齊史梁末帝紀無瑒初拜相年月此年十月丁酉以中書侍郎

郎平章事

鄭瑒兼刑部尚書平章事至貞明四年四月己酉又云

以中書侍郎

平章事鄭瑒兼刑部尚書疑貞明二年拜相四年轉

刑部尚書也

本傳云累遷禮部侍郎貞明中拜平章事唐餘錄均

貞紀貞明二年十月

丁酉禮部侍郎鄭瑒為中書侍郎平章事今

從之又高若拙後史補云

正應一十九舉方捷姓名為第十九人

第行亦同自登第凡十九年為宰相今按瑒光化三年及第自光

化三年至此年纔十

七年矣又不可合

己亥蜀大赦

晉王季存勸遣使如吳會

兵以擊梁十一月吳以行軍副使徐知訓為淮北行管都招討使

及朱瑾等將兵趣宋毫與晉相應既淮渡移檄州縣進圍潁州

十二月戊申蜀大赦改明年元曰天漢國號大漢 楚王馬殷聞

晉王季存勸平河北遣使通好晉王亦遣使報之 是歲梁慶州

叛附於岐

慶州本岐地也蓋因去年李保衡以鄆甯附梁遂為梁有岐將李繼陟據之梁以左

龍虎統軍賀瓊爲西而行營馬步都指揮使將兵討之破岐兵下

甯衍二州

衍州岐李茂貞置在甯慶之關宋廢衍州爲定平鎮屬邠州考異曰薛史賀瓊傳貞明二年慶州叛爲李繼瑒

所據帝命左龍虎統軍賀瓊爲西而行營馬步都指揮使兼諸軍都虞候與張筠破薛貞之眾三萬下甯衍二州此非小事而宋帝紀李茂貞傳皆無惟

河東監軍張承業既嘗用事其姪瓊等

五人自同州往依之晉王以承業故皆擢用之承業治家甚嚴有

姪爲盜殺販牛者承業立斬之王亟使救之已不及王以瓊爲麟

州刺史承業謂瓊曰汝本車度一民與劉開道爲賊

劉開道必指劉知俊也知

俊爲梁開道指揮使又嘗鎮同州

慣爲不法今若不悛死無日矣由此瓊所至不

敢貪暴

吳越牙內先鋒都指揮使錢傳珣逆婦於閩自是閩與

吳越通好

閩鑄鉛錢與銅錢並行

初燕人苦劉守光殘虐軍

士多歸於契丹及守光被圍於幽州

事見上卷

其北邊士民多爲契丹



所掠契丹日益彊大契丹王耶律阿保機自稱皇帝國人謂之天

皇王以妻述律氏為皇后置百官以其所居為上京置樓其間謂

之西樓又於其南木葉山置南樓東千里置東樓北三百里置北

樓阿保機常往來射獵四樓之間欽史西夷附錄曰契丹好鬼而

大會聚親王事皆以東向為尊四樓門屋皆東向至是改元神冊考異曰紀年通譜云舊

契丹中有歷日通紀百二十年臣景祐三年冬北使幽薊得其歷

因同年次以乙亥為首次年為神策之元其後復有天贊案五

代契丹傳自耶律德光乃記天顯之名疑當時未得其傳不然虜

人恥保機無號追為之耳保機廟中又號天皇王虜庭雜記太祖

一舉并吞奚國仍立奚人依舊為奚王命契丹監督兵甲又滅勃

洺虜其王大誥立長子為勃洺東丹王號人皇王自號天皇王

始立年號曰天贊國稱大遼又曰阿保機變家為國之後始以王

族號為漢帳姓世里沒里以漢語譯之謂之耶律氏賜后族姓曰

蕭氏正族惟與后族同皆其主部若不奉北主之命不得與二部

落通昏嫁陽史曰阿保機用其妻述律策使人告諸部大人曰我

有鹽池諸部所食然諸部知食鹽之利而不知鹽有主人可乎當

來犒我諸部以為然共以池合賜池阿保機伏兵其旁酒酣伏發

蓋殺諸部大人遂立不復代阿保機稱皇帝前史不見年月莊宗  
列傳契丹傳在莊宗即位李李宿守范陽後漢書賈錄唐錄  
錄云云阿保機設策創諸族遂稱帝位乾祐中劉仁恭鎮幽州前  
對史在莊宗天祐末按紀元通譜阿保機神策元年歲在丙子乃  
莊宗天祐十三年聚貞明二年似不在天祐末及莊宗即位後  
遣錄開平二年五月太祖賜阿保機記事猶呼之為難友言臣事  
我胡室親家降使謂立必求稱帝安得在劉仁恭鎮幽州前唐餘  
錄全取漢高祖賈錄契丹事作傳最爲差錯不知其稱帝實有  
年今因其改述律后勇決多權變阿保機行兵御眾述律后常預  
年號置於此述律后勇決多權變阿保機行兵御眾述律后常預

其謀阿保機嘗度磧驛克項克項在磧驛謂述律后守其帳黃頭吳泊

二室韋乘虛合兵掠之黃頭室韋部也吳泊室韋以所居地名其部述律后知之勒兵

以待其至奮擊大破之由是名震諸夷述律后有母有姑皆踞榻

受其拜曰吾惟拜天不拜人也晉王李存勖方經營河北欲結契

丹爲援常以叔父事阿保機以叔母事述律后劉守光末年襄困

遣參軍韓延徽求援於契丹考異曰漢高祖賈錄延徽傳云天祐中連帥劉守光攻中山不利欲結北

戒遣延徽將命入誘劉恕以爲劉守光據幽州後未嘗攻定州惟  
唐光化三年守有張存徽攻定州劉仁恭遣守光救定州  
爲存徽所敗是此時仁恭方爲幽帥非守光也按劉仁恭父子  
亂盛之時常凌暴契丹嘗遣使與之相結乾化三年守光攻易  
定王處直求救於晉故晉王遣周德威伐之其遣延徽  
結契丹蓋在此時然事無頭緒故但云義因附於此 阿保機怒  
其不拜雷之使牧馬於野延徽幽州人有智略頗知屬文述律后  
言於阿保機曰延徽能守節不屈此今之賢者奈何辱以牧圉宜  
禮而用之阿保機召延徽與語悅之遂以爲謀主舉動訪焉延徽  
始教契丹建牙開府築城郭立市里以處漢人使各有配偶墾藝  
荒田由是漢人各安生業逃亡者益少契丹咸服諸國延徽有助  
焉頃之延徽逃奔晉陽晉王欲置之幕府掌書記王緘疾之延徽  
不自安求東歸省母 自晉陽歸幽州 自西徂東也 過真定止於鄉人王德明家  
王德明爲道王第義德明問所之延徽曰今河北皆爲晉有當復  
子部燕人張文德也

**白子魚肝油**

月甲申晉王李存勳攻梁黎陽劉鄩拒之數日不克而去 晉王

李存勳之弟威塞軍防禦使存矩在新州晉置威塞軍於新州後

一據薛居正曰唐莊宗同光二年七月昇新州為威塞軍節度使以楊儒武三州隸之 驕情不治侍婢預政

晉王使募山北部落驍勇者及劉守光亡卒以益南討之軍又率

其民出馬民或鬻十牛易一戰馬期會迫促邊人嗟怨存矩得五

百騎自部送之以壽州刺史盧文進為裨將壽州屬吳盧文行者

皆憚遠役存矩復不存恤甲午至祁溝關小校官彥璋與士卒謀

曰聞晉王與梁人確鬪確堅也凡戰者隨兵勢而為進退離合至

而用長技 騎兵死傷不少吾儕捐父母妻子為人客戰千里行役

是為 千里送死而使長復不矜恤奈何眾曰殺使長防梁使為一

客戰 長擁盧將軍還新州據城自守其如我何因執兵大譟趣傳舍詰

朝存矩腹未起就殺之文進不能制撫膺哭其尸曰奴輩既害郎君使我何面復見晉王因爲眾所擁還新州守將楊全章拒之又攻武州鴈門以北都知防禦兵馬使李嗣肱擊敗之周德威亦遣兵追討文進帥其眾奔契丹晉王聞存矩不道以致亂殺侍婢及幕僚數人 初幽州北七百里有渝關渝關人營州界及平州石城縣界下有渝水通海自關東北循海有道道狹處纔數尺旁皆亂山高峻不可越比至進牛口舊置八防禦軍募土兵守之歐史曰渝關東臨海北有兔耳覆舟山皆斗絕遼海東北有路狹僅通車其旁地可耕植唐時置東硤石硤下有渝水入大海其關東臨海北有兔耳山覆舟山皆斗峻山下循海岸東北行狹道纔通一軌三面皆海北連陸路西亂山至進牛關凡六口棚戍相接此所以天限戎狄者也田租皆供軍食不入於薊幽州歲致糧續以供戰士衣每歲早穫清野堅壁以待契丹契丹至輒閉壁不

戰俟其去選驍勇據隘邀之

幽州盧龍節度治劇縣

契丹常失利走土兵皆

自爲田園力戰有功則賜勳加賞由是契丹不敢輕入寇及晉周

德威爲盧龍節度使恃勇不修邊備遂失渝關之險契丹每芻牧

於營平之間

金虜節要曰燕山之地易州西北乃金坡關昌平縣之西乃居庸關順州之地乃古北口景州之東北乃

松亭關平州之東乃渝關渝關之東卽金人來路也此數關皆天

造地設以分蕃漢之限一失守之可以當百本朝復燕之役若得

諸關則燕山之境可保然關內之地平灤三州自後唐陷于阿

保棧改平州爲遼與府以營藥二州隸之號爲平州路至石晉之

初耶律德光又得燕山檀順景蔚涿易諸州建燕山爲燕京以轄

六郡張燕京路而與平州自成兩路海上議割地但云燕雲兩路

而已初謂燕山路盡得關內之地殊不知燕山平州盡在關內而

異路也被遼之後金人復得平州路據之故幹離不後由平州入

寇乃當此議燕雲不明地理之故又金虜行程云樂州古無之唐

末河保棧改陷平營劉守光據幽州暴虐民多亡入遼中乃築此

城營州古柳城郡舜所築也乃殷之孤竹國漢唐遼西地其城外

多大山高下皆石不產草木地當營窠及以爲名自營州東至渝

關並無保障沃野千里北限大山重岡復嶺中有五關惟渝關居

庸可以通饋餉松亭金坡古北口止通人馬不可行車其山之南

則五穀百果良材美木無所不有出盟未德威又忌幽州舊將有數里則地皆瘠虛豈天設此以限華夷乎

名者往往殺之吳王楊隆演遣使遣契丹主阿保機以猛火油曰

攻城以此油然火焚樓櫓敵以水沃之火愈熾

南蕃志猛火油出占城國蠻人水戰

用之以焚敵舟阿保機大喜即選騎三萬欲攻幽州述律后哂之曰豈有

試油而攻一國乎因指帳前樹謂阿保機曰此樹無皮可以生乎

阿保機曰不可述律后曰幽州城亦猶是矣吾但以三千騎伏其

旁掠其四野使城中無食不過數年城自困矣何必如此躁動輕

舉萬一不勝爲中國笑吾部落亦解體矣阿保機乃止三月肅文

進引契丹兵急攻新州刺史安金全不能守棄城走文進以其部

將劉殷爲刺史使守之晉王李存勖使周德威合河東鎮定之兵

攻之旬日不克阿保機帥眾三十萬救之德威眾寡不敵大爲契



丹所敗奔歸

楚王馬殷遣其弟存攻吳上高俘獲而還

契丹

乘勝進圍幽州聲言有眾百萬旣車毳幕彌漫山澤

獸毛毳細者為毳音

翠

盧文進教之攻城為地道晝夜四面俱進城中穴地然膏以邀

之又為土山以臨城城中鎔銅以灑之日殺千計而攻之不止周

德威遣閒使詣晉王存勳告急晉王方與梁相持河上欲分兵則

兵少欲勿救恐失之憂形於色謀於諸將獨李嗣源李存審閻寶

勸王救之晉王喜曰昔太宗得一李靖猶擒頡利

事見一百九十  
三卷貞觀四年

今我有猛將三人復何憂哉存審寶以為虜無輜重勢不能久俟

其野無所掠食盡自還然後踵而擊之李嗣源曰周德威社稷之

臣今幽州朝夕不保恐變生於中何暇侍虜之衰臣請身為前鋒

以赴之晉王曰公言是也即日命治兵夏四月晉王命李嗣源將

兵先進軍於涑水

涑水縣屬易州宋白曰李嗣源時屯涑水掘祁溝諸關以伺賊勢

閻寶以鎮定

之兵繼之

吳昇州刺史徐知誥治城市府舍甚盛五月徐溫行

部至昇州

吳以昇州宣徽池為徐溫巡屬

愛其繁富潤州司馬陳彥謙勸溫徙鎮

海軍治所於昇州

鎮海軍本治潤州

溫從之徙知誥為潤州團練使知誥

求宣州溫不許知誥不樂宋齊邱密言於知誥曰三郎驕縱敗在

朝夕潤州去廣陵隔一水耳此天授也知誥悅即之官三郎謂溫

長子知訓也

知訓死知誥得權非本

溫以陳彥謙為鎮海節度判官溫但舉

大綱細務悉委彥謙江淮稱治彥謙常州人也

為陳彥謙垂死請於徐溫立己子張

本

高季昌與孔勅修好復通貢獻於梁

高季昌為孔勅所敗事見上卷梁乾化二年

資治通鑑補卷二百六十九終

資治通鑑補卷二百六十九終